



金史卷三十六

文元中書右丞相總裁脫脫等修

志第十七

禮九

國初即位儀
朝參常朝儀

受尊號儀
肆赦儀

上壽儀
臣下拜詔儀

國初即位儀收國元年春正月壬申朔諸路官民耆老
畢會議創新儀奉上卽皇帝位阿離合懣宗翰乃陳耕
具九祝以闢土養民之意復以良馬九隊隊九疋別爲
色并介冑弓矢矛劍奉上國號大金建元收國天會元
年九月六日皇弟諳班孛極烈卽皇帝位己未告祀天
地丙寅大赦改元

受尊號儀皇統元年正月二日太師宗幹率百僚上表請上皇帝尊號凡三請詔允七日遣上京留守奭告天地社稷析津尹宗強告太廟十日帝服袞冕御元和殿宗幹率百僚恭奉冊禮冊文云云臣等謹奉玉冊玉寶上尊號曰崇天體道欽明文武聖德皇帝是日皇帝改服通天冠宴二品以上官及高麗夏國使十二日恭謝祖廟還御宣和門大赦改元大定七年恭上皇帝尊號前三日遣使奏告天地宗廟社稷前二日諸司停奏刑罰文字百官習儀於大安殿庭兵部帥其屬設黃麾仗於大安殿門之內外宣徽院帥儀鸞司於前一日設受

冊寶壇於大安殿中間又設御榻於壇上又設冊寶幄次於大安殿門外及設皇太子幕次於殿東廊又設羣官次于大安門外大樂令與協律郎前一日設宮縣于殿庭又設登歌樂架于殿上立舞表于殿下符寶郎其日俟文武羣官入奉八寶置于御座左右候上册寶訖復昇寶還所司其日質明奉冊太尉奉寶司徒讀冊中書令讀寶侍中以次應行事官並集於尙書省俟冊寶與乘馬奉迎冊寶至應天門下馬由正門步導入至大安殿門外置冊寶於幄次昇冊寶床弩手人等分立於左右文武羣官並朝服入次攝太常卿與大樂令帥工

人入就位協律郎各就舉麾位昇冊寶案官由西偏門
先入置案於殿東西間褥位置訖各退于西階冊寶位
後捧冊官捧寶官昇冊匣官昇寶盞官由西偏門先入
至殿西階下冊寶褥位之西東向立俟閤門報通事舍
人引攝侍中版奏中嚴訖典儀贊者各就位閤門官引
文武百僚分左右入於殿階下磚道之東西相向立符
寶郎奉八寶由西偏門分入升置殿上東西間相向訖
分左右立於寶後通事舍人引攝侍中版奏外辦扇合
服袞冕以出曲直甲蓋侍衛警蹕如常儀殿上鳴鞭訖
殿下亦鳴鞭初索扇協律郎跪俛伏與舉麾工鼓祝奏

乾寧之曲出自東房卽座儀使副添香爐煙升扇開簾
捲協律郎偃麾曼敵樂止太常博士通事舍人自冊寶
幄次分引冊太常卿前導吏部侍郎押冊而行奉冊太
尉讀冊中書令舉冊官於冊後以次從之次太常博士
通事舍人二員分引寶禮部侍郎押寶而行奉寶司徒
讀寶侍中舉寶官於寶後以次從之由正門入宮縣奏
歸美揚功之曲太常卿於冊床前導至第一墀香案南
藉寶冊褥位上少置太常卿與舉冊寶官退於冊寶稍
西東向立應博士舍人立於其後昇冊寶床弩手繖子
官等又於其後皆東向太尉司徒中書令侍中皆於冊

後面北以次立吏部侍郎禮部侍郎次立於其後立定樂止閣門舍人分引東西兩班羣官合班轉北向立中間少留班路俟立定太常博士通事舍人四員分引太尉司徒中書令侍中吏部禮部侍郎以次各復本班訖博士舍人退以俟初引時樂奏歸美揚功之曲至位立定樂止典儀曰拜贊者承傳太尉以下應在位官皆舞蹈五拜班首出班起居訖又贊再拜如朝會常儀太常博士通事舍人四員再引太尉司徒中書令侍中吏禮部侍郎復進至冊寶所稍南立定昇冊寶床弩手繖子官並進前舉冊寶床與太常博士通事舍人二員分引

冊太常卿前導吏部侍郎押冊而行奉冊太尉讀冊中書令舉冊官於冊後以次從之冊初行樂奏肅寧之曲次通事舍人太常博士又二員分引寶禮部侍郎押寶而行奉寶司徒讀寶侍中舉寶官於寶後以次從之詣西階下至冊寶褥位少置冊北寶南樂止昇冊寶床弩手繖子官等退於後稍西東向立捧冊官與昇冊官並進前取冊匣升太常博士通事舍人分引冊太常卿側身導冊先升奉冊太尉讀冊中書令舉冊官捧冊官於冊後以次從升冊初行樂奏肅寧之曲進至殿上博士舍人分左右於前楹立以俟讀冊中書令於欄子外前楹稍

西立以俟舉冊官捧冊官立於其後奉冊太尉從升至
褥位搢笏少前跪置訖執笏俛伏興樂止退於前楹稍
西立以俟太常博士立於後太常卿少退東向立昇冊
官立於其後皆東向捧冊官先入舉冊官次入讀冊中
書令又次入捧冊官四員皆搢笏雙跪捧舉冊官二員
亦搢笏兩邊單跪對舉中書令執笏進跪稱中書令臣
某讀冊讀訖俛伏興中書令俟冊興先退通事舍人引
降自東階復本班訖太常卿降復寶床前昇冊官並進
與捧冊官等取冊匣興置於殿東間褥位案上西向捧
舉冊官等降自東階還本班昇冊官亦退太常博士引

奉冊太尉降自西階東向立以俟次捧寶官與昇寶官
俟讀冊中書令讀訖出並進前取寶盃升太常博士通
事舍人分引寶太常卿側身導寶先升奉寶司徒讀寶
侍中舉寶官捧寶官於寶後以次從升寶初行樂奏肅
寧之曲進至殿上博士舍人俱退不升並於前楹稍西
立俟讀寶侍中於欄子外前楹間稍西立以俟舉寶官
捧寶官立於其後奉寶司徒從升至褥位搢笏少前跪
置訖執笏俛伏興樂止司徒退於前楹西立以俟太常
卿少退東向立昇寶官立於其後皆東向捧寶官先入
舉寶官次入讀寶侍中又次入捧寶官四員皆搢笏雙

跪捧舉寶官二員亦搢笏兩邊單跪對舉侍中執笏進
跪稱侍中臣某讀寶讀訖俛伏與侍中俟寶興先退通
事舍人引降自西階復本班訖昇寶官進前與捧寶舉
寶官等取寶盞興置於殿之西間褥位案上東向捧寶
舉寶官等與太常卿俱降自西階及吏部侍郎皆復本
班昇寶官亦退太常博士引奉寶司徒次奉冊太尉東
向立定博士舍人贊引太尉司徒進詣第一墀香案南
褥位立定博士舍人稍退典儀曰拜贊者承傳在位官
皆再拜訖博士舍人二員引太尉詣東階升宮縣奏純
誠享上之曲至階止閣門使二員引太尉進至前立定

樂止閣門使揖贊太尉拜跪賀殿下閣門揖百僚躬身
太尉稱文武百僚具官臣等言致賀詞云云俛伏興退
至階上博士舍人分引太尉降至東階初降宮縣作肅
寧之曲復香案南褥位立定樂止博士舍人少退典儀
曰拜贊者承傳太尉司徒及在位羣官俱再拜舞蹈三
稱萬歲又再拜訖通事舍人引攝侍中升自東階前楹
間躬承旨退臨階西向稱有制典儀曰拜贊者承傳太
尉司徒及在位羣官俱再拜躬身宣詞云云宣訖通事
舍人引侍中還位典儀曰拜贊者承傳階上下應在位
羣官俱再拜舞蹈三稱萬歲又再拜訖博士舍人分引

太尉司徒就百僚位初引宮縣作肅寧之曲至位立定樂止閣門舍人分引應北面位羣官各分班東西相向立定通事舍人引攝侍中并自東階當前楹間跪奏禮畢俛伏興引降還位扇合簾降協律郎俛伏興舉麾工鼓祝奏乾寧之曲降座入自東房還後閣進膳侍衛警蹕如儀扇開樂止捧冊官帥舁冊床人捧寶官帥舁寶床人皆升殿取匣盞蓋訖置於床前引進司官前導通事舍人贊引詣東上閣門上進通事舍人分引文武百僚等以次出歸幕次賜食以俟上壽上冊寶禮畢有司供辦御床及與宴羣官位並如曲宴儀攝太常卿與大

樂令帥工人入并協律郎各就舉麾位俟舍人報通事舍人引三師以下文武百僚親王宗室等分左右入至殿階下稍南東西相向立通事舍人先引攝侍中版奏中嚴少頃又奏外辦扇合鳴鞭協律郎跪俛伏興工鼓祝宮縣奏乾寧之曲服通天冠絳紗袍卽座簾捲內侍贊扇開殿上下鳴鞭戛鼓樂止儀使副等添香爐煙升通事舍人引班首以下合班樂奏肅寧之曲至北向位重行立定中間少留班路通事舍人引攝侍中詣東階升至殿上少立閣門舍人引禮部尚書出班前北向俛伏跪奏稱禮部尚書臣某言請允羣臣上壽俛伏興躬

身通事舍人引攝侍中少退舍人贊禮部尙書再拜訖
贊祗候復本班內侍局進御床人次良醞令於殿下橫
階南酌酒訖典儀曰拜贊者承傳在位官皆再拜隨拜
三稱萬歲訖平立太常博士通事舍人分引攝上公由
東階升初升宮縣奏肅寧之曲殿上舍人少退二閣使
揖上公進至進酒褥位樂止宣徽使以爵授上公上公
搯笏受爵詣榻前跪進受爵訖上公執槃授宣徽使訖
二閣使揖上公入欄子內贊拜跪殿下閣門揖百僚皆
躬身通事舍人揖攝侍中進詣前楹間躬承旨退臨階
西向稱有制典儀曰拜贊者承傳上公及在位羣官皆

再拜隨拜三稱萬歲訖躬身宣曰得公等壽酒與公等
內外同慶閣門舍人贊宣諭訖上公與百僚皆舞蹈五
拜訖閣門舍人引百僚分班東西序北向立博士舍人
再引上公自東階升宮縣奏肅寧之曲至進酒褥位樂
止上公搯笏宣徽使授上公槃上公詣欄子內褥位跪
舉酒宮縣奏景命萬年之曲飲訖樂止上公進受虛爵
訖復褥位以爵授宣徽使訖二閣使揖上公退內侍局
昇御床出博士舍人並進前分引降自東階宮縣作肅
寧之曲閣門舍人分引東西兩班隨上公俱復北向位
立定樂止典儀曰拜贊者承傳在位官皆再拜三稱萬

歲訖平立殿上通事舍人揖攝侍中進詣前楹間躬承
旨退臨階西向閣門官先揖百僚躬身侍中稱有旨典
儀曰拜贊者承傳在位官皆再拜訖躬身宣曰延王公
等升殿典儀曰拜贊者承傳在位官皆再拜訖搢笏舞
蹈又再拜訖太常博士通事舍人引王公以下合赴宴
羣官分左右升殿不與宴羣官分左右捲班出宮縣奏
肅寧之曲百僚至殿上坐後立樂止內侍局進御床入
依尋常宴會再進第一爵酒登歌奏聖德昭明之曲飲
訖樂止執事者行羣官酒宮縣作肅寧之曲文舞入觴
行一周樂止尙食局進食執事者設羣官食宮縣奏保

大定功之舞三成止出又進第二爵酒登歌奏天贊堯
齡之曲飲訖樂止執事者行羣官酒宮縣作肅寧之曲
武舞入觴行一周樂止尙食局進食執事者設羣官食
宮縣奏萬國來同之舞三成止出又進第三爵酒登歌
奏慶雲之曲飲訖樂止執事者行羣官酒宮縣作肅寧
之曲觴行一周樂止尙食局進食執事者設羣官食宮
縣奏肅寧之曲食畢樂止閣門官分揖侍宴羣官起立
於席後通事舍人引攝侍中詣榻前俛伏興跪奏侍中
臣某言禮畢俛伏興閣門舍人分引羣官俱降東西階
內侍局昇御床出宮縣作肅寧之曲至北向位立定樂

止典儀曰拜贊者承傳在位官皆再拜訖搢笏舞蹈又再拜訖再分班東西序立扇合簾降殿上下鳴鞭協律郎俛伏跪舉麾興工鼓祝奏乾寧之曲降座入自東房還後閣侍衛如來儀內侍贊扇開曼敵樂止通事舍人引攝侍中版奏解嚴所司承旨放仗在位羣官皆再拜以次出之曲爲訖東正殿畢各入殿前班小元日聖誕上壽儀皇帝陞御座鳴鞭報時畢殿前班小起居各復侍立位舍人引皇太子并臣僚使客合班入至丹墀舞蹈五拜平立閣使奏諸道表自皇太子以下皆再拜引皇太子升殿褥位搢笏捧盞盤進酒皇帝受

置於案皇太子退復褥位轉盤與執事者出笏二閣使齊揖入欄子內拜跪致詞云元正啓祚品物咸新恭惟皇帝陛下與天同休若聖節則云萬春令節謹上壽卮伏願皇帝陛下萬歲萬歲萬歲祝畢拜興復褥位同殿下羣僚皆再拜宣徽使稱有制在位皆再拜宣荅曰履新上壽與卿等內外同慶聖節則曰得卿壽酒與卿等內外同慶詞畢舞蹈五拜齊立皇太子搢笏執盤臣僚分班教坊奏樂皇帝舉酒殿上下侍立臣僚皆再拜皇太子受虛盞退立褥位轉盤與執事者出笏左下殿樂止合班在位臣僚皆再拜分引與宴官上殿次引宋

國人從至丹墀再拜不出班奏聖躬萬福再拜喝有勅賜酒食有再拜各祇候平立引左廊立次引高麗夏人從如上儀畢分引左右廊立御果床入進酒皇帝飲則坐宴侍立臣皆再拜進酒官接盞還位坐宴官再拜復坐行酒傳宣立飲訖再拜坐次從人再拜坐三盞致語揖臣使并從人立誦口號畢坐宴侍立官皆再拜坐次從人再拜坐食入七盞曲將終揖從人立再拜畢引出聞曲時揖臣使起再拜下殿果床出至丹墀合班謝宴舞蹈五拜各祇候分引出 大定六年正月上御大安殿受皇太子以下百官及外國使賀賜宴文武五品以

上侍坐者有定員爲常制十七年詔以皇族袒免以上親雖無官爵封邑若與宴當有班次禮官言按唐典皇家周親視三品大功親小功尊屬視四品小功親總麻尊屬視五品總麻袒免以上視六品上合以此制爲班次

朝參常朝儀天眷二年五月詳定常朝及朔望儀准前代制以朔日六日十一日十五日二十一日二十六日爲六參日後又定制以朔望日爲朝參餘日爲常朝凡朔望朝參日百官卯時至幕次皇帝辰刻視朝供御弩手傘子直於殿門外分兩面排立司辰入殿報時畢皇

帝御殿坐鳴鞭閤門報班齊執擎儀物內侍分降殿階
兩傍面南立宿衛官自都點檢至左右親衛祇應官自
宣徽閤門祇候先兩拜班首少離位奏聖躬萬福兩拜
弩手傘子先於殿門外東西向排立俟奏聖躬萬福時
卽就位北面山呼聲喏起居畢卽相向對立擎御傘直
立左班內侍上都點檢以次陞殿副點檢在少南東西
相向立左右衛在殿下東西相向立閤門乃引親王班
贊班首名以下再拜訖班首少離位奏聖躬萬福歸位
再拜畢先退次引文武百僚班首以下應合朝參官并
府運六品以上官皆左入至丹墀之東西向鞠躬畢閤

門通唱復引至丹墀閤門贊班首名以下起居舞蹈五
拜又再拜畢領省宰執陞殿奏事殿中侍御史對立於
左右衛將軍之北少前脩起居東西對立於殿欄子內
副階下餘退右出初帝就坐置寶匣於殿階上東南角
後定制師傅起居畢御案始東入置定捧案內侍東西
分下侍殿隅直日主寶捧寶當殿叩欄奏封全符寶郎
及當監印郎中各一員監當手分令史用印訖主寶吏
封授主寶俟奏事畢進封訖內侍徹案若常朝則親王
班退引七品以上職事官分左右班入丹墀再拜班首
稍前起居畢復位再拜宰執升殿餘官分班退

二年五月命臺臣定朝參禮五品以上官職趨朝朝服入局治事則展皂自來朝參除殿前班外若遇朔望自七品以上職事官皆赴其餘朝日五品以上職事官得赴六品以下止於本司局治事如左右司員外郎待御史記注院等官職雖不係五品亦赴朝參若拜詔則但有職事并七品以上散官皆赴朝參吏員令譯史通事檢法各於本局待官員朝退赴局簽押文字不得於宮內署押七品以下流外職遇朝日亦不合入宮如左右司都事有須合取奏事乃聽入宮七品以上職事官如遇使客朝辭見日依朔望日皆赴若元日聖節拜詔車

駕出獵送迎詣祖廟燒飯但有職事并七品以上散官皆赴凡親王宗室已命官者年十六以上皆隨班赴起居大定五年右諫議大夫移刺子敬言猛安謀克不得與州鎮官隨班入見非軍民一體之意上是其言責宣徽院令隨班入見凡班首遇朝參有故不赴以次押班凡五品以上及侍御史尙書諸司郎中太常丞翰林修撰起居注殿中侍御史補闕拾遺赴召或假一月以上若除官出使之類皆通班入見辭謝除官於殿門外見謝班皆舞蹈七拜辭班四拜門見謝辭並再拜肆赦儀大定七年正月十一日上尊冊禮畢十四日應

天門頒赦十一年制同前期宣徽院使率其屬陳設應
天門之內外設御座于應天門上又更御衣御幄於大
安殿門外稍東南向閣門使設捧制書箱案於御座之
左少府監設雞竿於樓下之左竿上置大盤盤中置金
鷄鷄口啣絳幡幡上金書大赦天下四字卷而啣之盤
四面近邊安四大鐵鑲盤底四面近邊懸四大朱索以
備四伎人攀緣又設捧制書木鶴仙人一以紅繩貫之
引以轆轤置於御前欄子上又設捧鶴畫臺於樓下王
中臺以弩手四人對舉大樂署設宮縣於樓下又設鼓
一於宮縣之左稍北東向兵部立黃麾仗於門外刑部

御史臺大興府以囚徒集於左仗外御史臺閣門司設
文武百官位於樓下東西相向又設典儀位於門下稍
東西向宣徽院設承受制書案於畫臺之前又設皇太
子侍立褥位於門下稍東南向又設皇太子致賀褥位
於百官班前又設協律郎位於樓上前楹稍東西向尙
書省委所司設制書位於百官班之北稍東西向司天
臺鷄唱生於東闕樓之上尙衣局備皇帝常服如常日
視朝之服尙輦設輦於更衣御幄之前躬謝禮畢皇帝
乘金輅入應天門至幄次前侍中俛伏跪奏請降輅入
幄俛伏興皇帝降輅入幄簾降少頃侍中奏中嚴又少

頃俟典贊儀引皇太子就門下侍立位通事舍人引羣
官就門下分班相向立侍中奏外辦皇帝服常朝服尙
輦進輦侍中奏請升輦繖扇侍衛如常儀由左翔龍門
踏道升應天門至御座東侍中奏請降輦升座宮縣樂
作所司索扇五十柄扇合皇帝臨軒卽御座樓下鳴鞭簾
捲扇開執御繖者張於軒前以障日樂止東上閣門使
捧制書置於箱閣門舍人二員從以俟引繩降木鶴仙
人通事舍人引文武羣官合班北向立宮縣樂作凡分
班合班則樂作立定卽止典儀曰再拜在位官皆再拜
訖分班相向立侍中詣御座前承旨退稍前南向宣曰

奉勅樹金鷄通事舍人於門下稍前東向宣曰奉勅樹
金鷄退復位金鷄初立大樂署擊鼓樹訖鼓止竿木伎
人四人緣繩爭上竿取鷄所啣絳幡展示訖三呼萬歲
通事舍人引文武羣官合班北向立樓上乘鶴仙人捧
制書循繩而下至畫臺閣使奉承置於案閣門舍人四
員舉案又二員對捧制書閣使引至班前西向稱有制
典儀曰拜在位官皆再拜訖以制書授尙書省長官稍
前搢笏跪受訖以付右司官右司官搢笏跪受訖長官
出笏俛伏興退復位右司官捧制書詣宣制位都事對
捧右司官宣讀至咸赦除之所司帥獄吏引罪人詣班

南北向躬稱脫枷訖三呼萬歲以罪人過右司官宣制
訖西向以制書授刑部官跪受訖以制書加於笏上退
以付其屬歸本班典儀曰拜在位官皆再拜舞蹈又再
拜典贊儀引皇太子至班前褥位立定典儀曰拜皇太
子以下羣官皆再拜典儀引皇太子稍前俛伏跪致詞
俛伏興典儀曰再拜皇太子以下羣官皆再拜搢笏舞
蹈又再拜侍中於御座前承旨退臨軒宣曰有制典儀
曰再拜皇太子以下羣官皆再拜侍中宣答宣訖歸侍
位典儀曰再拜皇太子以下羣官皆再拜搢笏舞蹈又
再拜訖典贊儀引皇太子至門下褥位通事舍人引羣

官分班相向立侍中詣御座前俛伏跪奏禮畢俛伏興
退復位所司索扇宮縣樂作扇合簾降皇帝降座樂止
樓下鳴鞭皇帝乘輦還內繖扇侍衛如常儀侍中奏解
嚴通事舍人承勅羣臣各還次將士各還本所

臣下拜赦詔儀宣赦日於應天門外設香案及設香輿
於案前又於東側設卓子自皇太子宰臣以下序班定
閣門官於箱內捧赦書出門置於案閣門官案東立南
向稱有勅贊皇太子宰臣百僚再拜皇太子少前上香
訖復位皆再拜閣門官取赦書授尙書省都事都事跪
受及尙書省令史二人齊捧同升於卓子讀在位官皆

跪聽讀訖赦書置於案都事復位皇太子宰臣百僚以下再拜搢笏舞蹈執笏俛伏興再拜拱衛直以下三稱萬歲訖退其降諸書禮亦准此惟不稱萬歲其外郡尙書省差官送赦書到京府節鎮先遣人報長官卽率僚屬吏從備旗幟音樂綵輿香輿詣五里外迎見送赦書官卽於道側下馬所差官亦下馬取赦書置綵輿中長官詣香輿前上香訖所差官上馬在香輿後長官以下皆上馬後從鳴鉦鼓作樂導至公廳從正門入所差官下馬執事者先設案并望闕褥位於庭中香輿置於案之前又設所差官褥位在案之側又設卓子於案之東

南所差官取赦書置於案綵輿退所差官稱有勅長官以下皆再拜長官少前上香訖退復位又再拜所差官取赦書授都目都目跪受及孔目官二員三人齊捧赦書同高几上宣讀在位官皆跪聽讀訖都目等復位長官以下再拜舞蹈俛伏興再拜公吏以下三稱萬歲禮畢明日長官率僚屬音樂送至郭外

跪聽...
 下再...
 華...日昇官率...
 日以...
 皆...高八...
 如...
 以...
 金史卷三十七...

金史卷三十七

禮部元中中書右丞相總裁脫脫等修立

立志第十八

人臣禮寺

冊皇后儀

冊皇太后儀

冊皇太子儀

皇太子正旦生日受賀儀

皇太子與百官

冊皇后儀天德二年十月九日冊妃徒單氏為皇后前

奉日儀鸞司設座勤政殿南向設羣臣次於朝堂大樂

令展宮縣於殿庭設協律郎舉麾位於樂縣西北東向

閣門設百官班位於庭並如常朝之儀又設典儀位於

班位之東北贊者二人在南少却俱西向設冊使副位

乾隆四年校刊

金史卷三十七

志

於殿門外之東又設冊使副受命位於百官班前又設冊寶幄次二於殿後東廂俱南向其日諸衛勒所部略列黃麾細仗於庭符寶郎奉八寶置於左右吏部侍郎奉冊禮部侍郎奉寶匣皆置於床訖出就門外班大樂令協律郎樂工典儀贊者各入就位羣官等依時刻集朝堂俱就次各服朝服侍中約刻板奏請中嚴通事舍人引羣官入就庭東西相向立以北爲上又引冊使副立於東偏門西向門下侍郎引主節奉節立於殿下東廊橫街北中書令中書侍郎帥舉捧冊官奉冊床立於節南侍中門下侍郎帥舉捧寶官奉寶床立於冊床之

南俱西面侍中版奏外辦殿上索扇協律郎舉麾宮縣作皇帝服通天冠絳紗袍出自東房曲直華蓋警蹕侍衛如常儀卽座南向坐簾捲樂止通事舍人引冊使副入宮縣作使副就受命位侍中中書令門下侍郎中書侍郎舉捧官依舊西面立羣臣合班橫行北面如常朝之儀立定典儀曰再拜贊者承傳班首以下羣官在位者皆再拜班首問起居又再拜閣門官引攝侍中出班承制降詣使副東北西向稱有制使副稍前鞠躬再拜攝侍中宣制曰命公等持節授后冊寶宣制訖又俱再拜侍中還班門下侍郎引主節詣冊使所主節以節授

門下侍郎門下侍郎執節西向授太尉太尉受付主節
主節立於使副之左右門下侍郎退還班位中書侍郎
引冊床門下侍郎引寶床立於冊使東北西向以次授
與太尉太尉皆捧受冊床置於北寶床置於南侍中中
書令禮儀使舉捧冊寶官及昇床者退於東西塲道之
左右相向立門下侍郎中書侍郎退還班位典儀曰再
拜贊者承傳羣官在位者皆再拜訖分班東西相向立
捧舉昇冊寶床者進冊床先行讀冊官次之寶床次行
讀寶官次之舉昇官各分左右通事舍人引冊使隨之
以行持節者前導太尉初行宮縣樂作出殿門樂止攝

侍中出班升殿奏侍中臣言禮畢殿上索扇簾降宮縣
作降座入自東房樂止通事舍人引羣官在位者以次
出俟太尉司徒復命禮畢還內先是有司預設太尉司
徒本品革車鹵簿於門外至殿門左右排列俟使副出
鼓吹振作禮儀使舉捧官執節者并擡昇人以冊寶少
駐於泰和門太尉司徒及讀冊寶官暫歸幕次內侍閤
門引入泰和殿俟至殿下位鼓吹止有司預供張泰和
殿設皇后座於殿前殿上垂簾又設東西房於座之左
右稍北又設受冊位於殿庭西階之南東向又設內命
婦次於殿之左右太樂令設宮縣於庭協律郎設舉麾

位於殿上又設冊寶次於門外又設行事官次於門左
右又設外命婦次於門之內其日諸衛於殿門外略設
黃麾細仗有司設二步障於殿之西階簾前設扇左右
各十紅繖一在西階欄子外又設舉冊寶案位於使副
之前北向又設宣徽使位於北廂南向司贊設內外命
婦以下陪列位於殿庭磚道之左右每等重行異位北
向內命婦在後又設司贊位於東階東南贊者二人在
南少退俱西向質明執事官太樂令等各就位皇后常
服乘龍飾肩輿至泰和殿後閣近仗導衛如常儀宣徽
使奏中嚴冊使副入門宮縣作俟冊使庭中立樂止冊

在北寶在南使副立於床後禮儀使帥持節者立於前
舉捧冊寶官立於冊寶床左右讀冊寶官各立於其後
宣徽使奏外辦內侍閣門官引后出後閣宮縣作簾捲
皇后降自西階左右步障繖扇從至階下望勤政殿御
閣所在立樂止冊使進立於右宣曰有制閣門使內侍
贊再拜冊使宣曰制遣太尉臣某司徒臣某恭授后冊
寶閣門使內侍贊再拜冊使少退中書令侍中及舉捧
官率擡舁人奉冊寶以次進於前宮縣作冊寶床自東
階升並置於殿之前楹間冊床在北寶床在南中留讀
冊寶官立位並去帕及蓋擡舁人執之退立於西朶殿

舉擡官分左右相向立讀冊寶官各立於床之東西向立既定樂止閣門使內侍贊再拜捧謝表官以表授左立內侍內侍以授后受訖以付右立內侍內侍持表立於右閣門使贊再拜訖冊使退宮縣作持表內侍以表付閣門官隨冊使行冊使副至門鼓吹振作如來儀入西偏門鼓吹止冊使副至御閣所在俛伏跪奏太尉臣某司徒臣某奉制授冊寶禮畢俛伏興退持表閣門官進表近侍接入進讀訖退初冊使退及門樂止閣門內侍引后自西階升殿宮縣作繳扇止於簾外退於左右朶殿前步障止於階下卷之后於座前南向立樂止中

書令詣冊床南立北向稱中書令臣某謹讀冊讀畢降自東階立於欄外第一墀上西向次侍中詣寶床南立北向揖稱侍中臣某讀寶讀畢降階立於中書令之北西向內侍閣門引升座宮縣作坐定樂止舉捧官以次招擡昇人持帕蓋覆匣床奉置殿之左右冊床在東寶床在西置訖舉捧官以次降階立於中書令侍中之後立定合班北向閣門贊再拜拜訖降東階退出殿門其擡昇人置冊寶床於東西訖各由朶殿下階於侍中等班後直出殿門以俟復入擡昇入宮受冊表謝訖內侍跪奏禮畢閣門引內外命婦陪列者以次進就北向位

班首初行宮縣作至位樂止閤門曰再拜命婦皆再拜
閣門引班首自西階升樂作至階樂止進當座前北向
躬致稱賀訖降自西階樂作至位樂止閤門曰再拜舍
人承傳命婦等皆再拜閤門使前承令降自西階詣命
婦前西北東向稱有教旨命婦等皆拜閤門使宣曰祇
奉聖恩授以冊寶榮幸之至兢厲增深所賀知舍人曰
再拜命婦皆再拜訖內侍引內命婦還宮班首初行樂
作出門樂止內侍引外命婦出次宣徽使奏稱禮畢降
座宮縣作入東房樂止歸閤宮縣作至閤樂止更常服
內侍承教旨宣外命婦入會並如常儀會畢閤門引外

命婦降階橫班北向舍人曰再拜訖以次出還宮如來
儀中書門下侍郎復以引進司帥擡昇人進冊寶入內
付與都點檢司退別日會羣官會妃主宗室等賜酒設
食簪花教坊作樂如內宴之儀十一日朝永壽永寧兩
宮皇后既受冊越二日內侍設座於所御殿南向其日
夙興宣徽使版奏中嚴質明諸侍衛宮人俱詣寢殿奉
迎宣徽使版奏外辦后首飾褱衣御車內侍前導降自
西階以出侍衛如常儀至太后之裏門外降車障扇侍
衛如常儀入立於西廂東向將至宣徽使版奏請中嚴
既降車宣徽使版奏外辦太后常服宣徽使引升座南

向宣徽使引后進升自西階北面再拜進跪致謝詞存
撫賜酒食並如家人之儀禮畢宣徽使贊再拜訖宣徽
使引降自西階以出出門宣徽使奏禮畢降座入宮
奉冊皇太后儀天德二年正月詔有司擇日奉冊唐殷
國妃岐國太妃仍別建宮名合行典禮禮官檢詳條具
以聞其日質明有司各具繖扇侍衛如儀及兵部約量
差軍兵并文武百官詣兩宮迎請引導皇太后入內並
赴受冊殿入御幄侍衛如式次奉冊太尉等俱以冊置
於案奉寶司徒等俱以寶置於案皆盛以匣覆以帕詣
別殿門外幄次教坊提點率教坊入侍衛官各就列皇

帝常服乘輿至別殿後幄次通事舍人引宣徽使版奏
中嚴復位少頃又奏外辦幄簾捲教坊樂作扇合兩宮
皇太后出自後幄並卽御座南向扇開樂止

分左右退通

事舍人引文武百僚班左入依品重行西向立定通事
舍人喝起居班依常朝例起居七拜訖引文武百僚班
分東西相向立通事舍人太常博士贊引太常卿前導
押冊官押冊而行奉冊太尉讀冊中書令舉冊官等以
次從之次押寶官押寶而行奉寶司徒讀寶侍中舉寶
官等以次從之俱自正門入教坊樂作至殿庭西階下
少東北向於褥位少置樂止冊北寶南通事舍人太常

博士贊引太常卿前導押冊官押冊升樂作奉冊太尉等從之進至兩宮太后座前褥位樂止兩宮冊寶齊上齊讀舉冊官夾侍奉冊太尉各搢笏北向跪俛伏興退立讀冊中書令俱進向冊前跪奏稱攝中書令具官臣某謹讀冊舉冊官單跪舉中書令各搢笏讀訖執笏俛伏興搢笏捧冊興於位東迴冊函北向並進跪置於御座前褥位中書令舉冊官俱降還位奉冊太尉並降階東向以俟押寶官押寶升樂作奉寶司徒等從之進至兩宮皇太后座前褥位樂止舉寶官夾侍奉寶司徒各搢笏北向跪俛伏興退立讀寶侍中俱進當寶前跪奏稱攝侍中

具官臣某謹讀寶舉寶官單跪對侍中各搢笏讀訖執笏俛伏興搢笏捧寶興於位東迴寶西北向並進跪置於御座前褥位冊之南通事舍人太常博士贊引太尉司徒以次應行事官俱降自西階復本班序立宣徽使一員詣皇帝御幄前俛伏跪奏臣某謹請皇帝詣兩宮皇太后前行稱賀之禮俛伏興贊引皇帝再拜又奏請北向跪皇帝賀曰嗣皇帝臣某言云云俛伏興又再拜訖又奏請皇帝少立內侍承旨退西向稱兩宮太后旨云云皇帝再拜宣徽使前引皇帝歸幄常服乘輿還內侍衛如來儀應階下文武百僚重行立定通事舍人喝

拜在位皆再拜通事舍人引太師詣西階升俛伏跪奏稱文武百僚具官臣某等稽首言皇太后殿下顯對冊儀永安帝養仰祈福壽與天同休俛伏興降自西階復位立定通事舍人贊在位官皆再拜舞蹈三稱萬歲又再拜宣徽使升自東階取旨退臨階西向稱兩宮皇太后旨通事舍人贊在位官皆再拜畢宣曰公等忠敬盡心推崇協力膺茲令典感愧良深宣訖還位通事舍人贊謝宣諭拜在位官皆再拜舞蹈三稱萬歲又再拜通事舍人分引應北向官各分班東西立宣徽使升自東階奏稱具官臣等言禮畢降還位扇合皇太后並興教

坊樂作降座還殿後幄次扇開樂止通事舍人引宣徽使奏解嚴中書侍郎等各帥捧冊床官升殿跪捧冊並置於床次門下侍郎等各帥捧寶床官升殿跪捧寶並置於床訖通事舍人引詣東上閣門投進所司文武百僚以次出皇太后常服乘輿各還本宮引導如來儀文武百僚詣東上閣門拜表賀皇帝退禮畢各赴本宮受內外命婦稱賀所司預於殿內設皇太后御座司賓引內外命婦於殿庭北向依序立尚儀奏請皇太后常服卽座司贊曰再拜命婦皆再拜司賓引班首詣西階升跪賀稱妾某氏等言伏惟皇太后殿下天資聖善昭受

鴻名凡在照臨不勝欣抃興降階復位司贊曰再拜內
外命婦皆再拜尚宮承旨降自西階於命婦之北東向
立司贊曰再拜在位者皆再拜尚宮乃宣荅曰膺茲典
禮感愧良深司贊曰再拜在位者皆再拜退赴別殿賀
皇帝亦如賀皇太后之儀惟不致詞不宣荅
冊皇太子儀大定八年正月冊皇太子禮官擬奏皇太
子乘輿至翔龍門東宮官導從不乘馬冊皇太子前三
日遣使同日奏告天地宗廟冊前一日宣徽院帥鸞儀
司設御座於大安殿當中南向設皇太子次於門外之
東西向又設文武百僚應行事官東宮官等次於門外

之東西廊又設冊寶幄次於殿後東廂俱南向又設受
冊位於殿庭橫階之南工部官與監造冊寶官公服自
製造所導引冊寶床由宣華門入約宣徽院同進呈畢
赴幄次安置大樂令帥其屬展樂縣於庭其日兵部帥
其屬設黃麾仗於大安殿門之內外其日質明文武百
僚應行事官並朝服入次東宮官各朝服自東宮乘馬
導從至左翔龍門外下馬各就次通事舍人分引百官
入立班東西相向次引侍中中書令門下侍郎中書侍
郎及捧昇冊寶官詣殿後幄次前立少頃奉冊寶出幄
次由大安殿東降至庭中褥位權置訖奉引冊寶官立

於其後皇太子服遠遊冠朱明衣出次執圭三師三少
已下導從立於門外侍中奏中嚴符寶郎奉八寶由東
西偏門分入升置御座之左右侍中奏外辦內侍承旨
索扇扇合皇帝服通天冠絳紗袍以出曲直華蓋侍衛
如常儀鳴鞭宮縣樂作皇帝出自東序卽御座爐煙升
扇開簾捲樂止典贊儀引皇太子入門宮縣樂作至位
樂止師少已下從入立於皇太子位東南西向典贊贊
皇太子再拜搢圭舞蹈又再拜奏聖躬萬福又再拜引
近東西向立師少以下并奉引冊寶官等各赴百官東
班樂作至位樂止通事舍人引百官俱橫班北向典儀

贊拜在位官皆再拜搢笏舞蹈又再拜起居又再拜畢
百官各還東西班師少以下并行事官各還立位典贊
儀引皇太子復受冊位樂作至位樂止侍中承旨稱有
制皇太子以下應在位官皆再拜躬身侍中宣制曰冊
某王爲皇太子又再拜通事舍人太常博士引中書令
詣讀冊位中書侍郎引冊匣置於前捧冊官西向跪捧
皇太子跪讀畢俛伏興皇太子再拜中書令詣捧冊位
奉冊授皇太子搢圭跪受冊以授右庶子右庶子跪受
皇太子俛伏興右庶子以冊興置於床中書令以下退
復本班次通事舍人太常博士引侍中詣奉寶位門下

侍郎引寶盃立於其右侍中奉寶授皇太子搢圭跪受以授左庶子左庶子跪受皇太子俛伏興左庶子以寶興置於床侍中以下退復本班典儀贊再拜畢引皇太子退初行樂作左右庶子帥其屬昇冊寶床臣以出出門樂止侍中奏禮畢內侍承旨索扇扇合簾降鳴鞭樂作皇帝降座入自西序還後閣侍衛如來儀扇開樂止侍中奏解嚴所司承旨放仗衛以次出皇太子入次改服公服還東宮導從如來儀冊後二日兵部設黃麾仗於仁政殿門之內外陳設並如大安殿之儀百官服朝服皇太子公服至次改服遠遊冠朱明衣通事舍人引

百官入至階下立班東西相向典儀引皇太子執圭出次立於門外侍中奏中嚴少頃又奏外辦皇帝出自東序卽座簾捲通事舍人引百官俱橫班北向典儀贊拜在位官皆再拜搢笏舞蹈又再拜起居又再拜訖分班皇太子捧表入至拜表位立俟閣門使將至單跪捧表閣門使接表皇太子俛伏興典儀贊再拜搢圭舞蹈又再拜俟讀表畢侍中承旨退稱有制典儀贊再拜興躬身侍中宣訖典儀贊再拜搢圭舞蹈又再拜引皇太子退侍中奏禮畢扇合鳴鞭入西序還後閣侍衛如來儀侍中奏解嚴放仗百官以次出後二日百官奉表稱賀

如常儀
正旦生日皇太子受賀儀大定二年世宗命有司議親
王百官及妃主命婦見皇太子禮有司按唐宋舊儀擬
親王宗室賀皇太子依冊畢受賀禮然唐禮元正復有
降階見伯叔答羣官再拜之文又無妃主命婦見太子
之禮稽古令文應致恭之官相見或貴賤殊隔或長幼
親戚任從私禮自今若在東宮候皇太子便服則當從
私禮接見若三師以下遇皇太子誕日在御前則候皇
太子先進酒畢百官望皇太子再拜班首跪進酒又再
拜若賜酒卽當殿跪飲畢又再拜以爲定制命班行之

十二月晦皇太子奏狀曰按禮文親王并一品宗室皆
北面拜伏臣但答揖而已雖曰尊宗子而在長幼悖敘
之間誠所未安當時遽蒙頒降未獲謙讓明日元正有
司將舉此禮伏望聖慈許臣答拜庶敦親親友愛之義
上從其請命尚書省頒下所司若皇太子生日則公服
左上露臺欄子外先再拜二閣使齊揖入欄子內拜跪
祝畢就拜興復位再拜又再拜棲臺進酒退跪候飲畢
接盞復位轉臺與執事者再拜宣徽使以酒進皇帝親
賜酒接盞稍退跪飲畢宣徽使接盞復位再拜復揖入
欄子內跪搢笏受賜物畢出笏興復位再拜退更衣入

殿稍東西向立皇妃等進勸生日酒皇太子跪皇妃等亦跪飲畢各再拜羣官致賀則其日質明皆公服集於門外少詹事奏請內嚴又奏外備典儀引升座文武宮臣入就庭下重行北向立典儀曰再拜在位官皆再拜班首稍前跪奏元正首祚生日則云慶誕令辰伏惟皇太子殿下福壽千秋賀畢復位典儀曰再拜宮臣皆再拜坐受分東西序立次引東宮三師於殿上三少於殿柱外北向東上立皇太子詣南向褥位典儀曰再拜師少皆再拜班首同前稱賀復位執事者酌酒一卮班首奏進樂作飲訖樂止回勸師少畢各復位典儀贊師少

再拜皇太子答拜師少出皇太子就坐次引親王入欄子內一品宗室於欄子外餘宗室序班庭下拜致賀進酒如上儀皇太子答拜畢就坐復引隨朝三師三公宰執於殿上三品以上職事官於露階上四品以下於庭下北向每等重行以東爲上立皇太子詣褥位典儀曰再拜上下皆再拜畢班首少前致賀復位執事者酌酒一卮班首奉進樂作飲畢樂止如有進獻如常儀回勸三師三公餘殿上羣官則令執事者以盤行酒飲畢典儀曰再拜上下皆再拜乃答拜引羣官以次出少詹事跪奏禮畢自是歲賀爲定制

皇太子與百官相見儀三師三公欄子內北向躬揖班首稍前問候皇太子離位稍前正南立答揖宰執及一品職事官扣欄子北向躬揖答揖如前二品職事官欄子外向南躬揖皇太子起揖三品職事官露階稍南躬揖皇太子坐揖四品以下職事官庭下躬揖跪問候皇太子坐受太子太師太傅太保與隨朝三師同東宮三少與隨朝二品同詹事以下並在庭下面北每品重行以東爲上再拜稍前問候又再拜皇太子坐受大定二年所定也七年定制皇太子赴朝許與親王宰執相見餘官宗室並迴避後亦許與樞密使副御史大夫判宗

正東宮三師相見九年定制凡皇太子出於都門三里外設褥位三公宰執以下公服重行立皇太子便服三公宰執以下鞠躬班首致辭云青宮萬福再拜皇太子答拜退迎送皆同

金史卷三十七

金史卷三十八
顯宗元中書右丞相總裁脫脫等修

志第十九

禮十一

外國使入見儀 曲宴儀
朝辭儀 新定夏使儀

外國使入見儀皇帝即御座鳴鞭報時畢殿前班小起居畢至待立位引臣僚左右入丹墀小起居引宰執上殿其餘臣僚分班出閣門使奏使者入見膀子先引宋使副出笏捧書左入至丹墀北向立閣使左下接書捧書者單跪授書拜起立閣使左上露階右入欄內奏封全轉讀畢引使副左上露階齊揖入欄內揖使副鞠躬

使少前拜跪附奏畢拜起復位立待宣問宋皇帝時並
鞠躬受勅旨再揖鞠躬使少前拜跪奏畢起復位齊退
却引使副左下至丹墀北嚮立禮物右入左出盡揖使
副傍折通班再引至丹墀舞蹈五拜不出班奏聖躬萬
福再拜揖使副鞠躬使出班謝面天顏復位舞蹈五拜
再揖使副鞠躬使出班謝遠差接伴兼賜湯藥諸物等
復位舞蹈五拜各祇候引右出賜衣次引宋人從入通
名已下再拜不出班又再拜各祇候亦引右出次引高
麗使左入至丹墀北嚮略立引使左上露階立定揖橫
使鞠躬正使少前拜跪附奏畢拜起復位立閣使宣問

高麗王時並鞠躬受勅旨畢再揖橫使鞠躬正使少前
拜跪奏畢拜起復位齊退却引左下至丹墀面殿立定
禮物右入左出盡揖使傍折通班畢引至丹墀通一十
七拜各祇候平立引左階立次引夏使見如上儀引右
階立次再引宋使副左入至丹墀謝恩舞蹈五拜各祇
候平立次引高麗夏使並至丹墀三使並鞠躬有勅賜
酒食舞蹈五拜各祇候引右出次引宰執下殿禮畢
曲宴儀皇帝卽御座鳴鞭報時畢殿前班小起居到侍
立位引臣僚並使客左入傍折通班至丹墀舞蹈五拜
不出班奏聖躬萬福又再拜出班謝宴舞蹈五拜各上

殿祇候分引預宴官上殿其餘臣僚右出次引宋使從人入至丹墀再拜不出班奏聖躬萬福又再拜有勅賜酒食又再拜引左廊立次引高麗夏從人入分引左右廊立果床入進酒皇帝舉酒時上下侍立官並再拜接盞畢候進酒官到位當坐者再拜坐卽行臣使酒傳宣立飲畢再拜坐次從人再拜坐至四盞餅茶入致語聞鼓笛時揖臣使并人從立口號絕坐宴并侍立官並再拜坐次從人再拜坐食入五盞歇宴教坊謝恩畢揖臣使起果床出皇帝起入閣臣使下殿歸幕次賜花人從隨出戴花畢先引人從入左右廊立次引臣使入左右

上殿位立皇帝出閣坐果床入坐立並再拜坐次從人再拜坐九盞將曲終揖從人至位再拜引出聞曲時揖臣使起再拜下殿果床出至丹墀謝宴舞蹈五拜分引出

朝辭儀皇帝卽御座鳴鞭報時畢殿前班小起居至侍立位引臣僚合班入至丹墀小起居引宰執上殿其餘臣僚分班出閣使奏辭榜子先引夏使左入傍折通班畢至丹墀再拜不出班奏聖躬萬福又再拜揖使副鞠躬使出班戀闕致詞復位又再拜唱各好去引右出次引高麗使如上儀亦引右出次引宋使副左入傍折通

班畢至丹墀依上通六拜各祇候平立閤使賜衣馬鞠躬聞勅再拜賜衣馬畢平身搢笏單跪受別錄物過盡出笏拜起謝恩舞蹈五拜有勅賜酒食舞蹈五拜引使副左上露階齊揖入欄內揖鞠躬大使少前拜跪受書起復位揖使副齊鞠躬受傳達畢齊退引左下至丹墀鞠躬喝各好去引右出次引宰執下殿禮畢熙宗時夏使入見改爲大起居定制以宋使列於三品班高麗夏列於五品班皇統二年六月定臣使辭見臣僚服色拜數止從常朝起居三國使班品如舊俟殿前班及臣僚小起居引宰執升殿餘臣分班畢乃令行人見及朝辭

之禮凡入見則宋使先禮畢夏使入禮畢而高麗使入其朝辭則夏使先禮畢而高麗使入禮畢而宋使入夏高麗朝辭之賜則遣使就賜於會同館惟宋使之賜則庭授舊高麗使至闕皆有私進禮大定五年上以宋夏使皆無此禮而小國獨有之不可遂命罷之六年詔外國使初見朝辭則於左掖門出入朝賀賜宴則由應天門東偏門出入大定二十九年三月章宗以在諒闇免宋使朝辭太常寺言若不面授書及傳達語言恐後別有違失遂令宋使先辭靈幄然後詣仁政殿朝辭授書時右丞相襄言伏見熙宗聖誕七月七日以景宗忌辰

避之更爲翌日復用正月十七日受外國賀今聖誕節若依期令外方人使過界恐爲雨潦所滯設能到闕或值陰雨亦難行禮乞以正月十一日或三月十五日爲聖節定宋人過界之期平章政事張汝霖叅知政事劉瑋等言帝王當示信以雨潦路阻輒改之或恐失信且宋帝生日亦五月也是時都在會寧上國遣使賜生日萬里渡越江河尚不避霖潦如期而至今久與宋好不可以小阻示以不實彼若過界多作程頓亦不至留滯縱使雨水愆期而入見猶勝更用他日也御史大夫唐括貢中丞李宴刑部尚書兼右諫議大夫完顏居貞等

亦皆言不可上初從之旣而竟用襄儀令有司移報使明知聖誕之實特改其日以示優待行人之意承安三年正月上諭旨有司曰比聞宋國花宴殿上不設餽饌至其歇時乃備於廊下今花宴上賜食甚爲拘束若依彼例可乎且向者人使見辭殿上亦嘗有酒禮今已移在館宴矣有司奏曰曲宴之禮舊矣彼方酒一行食一上必相須成禮而國朝之例酒旣罷而食始進至於花宴日宋使至客省幕次有酒禮而我使至其幕則有食而無酒各因其舊不必相同古者宴禮設食以示慈惠今遽更之恐遠人有疑失朝廷寵待臣子之意乃命止

如舊正大元年十月夏國遣使修好二年九月夏國和議定以兄事金各用本國年號定擬使者見辭儀注云蓋夏人自天會議和臣屬於金八十餘年無兵革事及貞祐之初小有侵掠以至構難十年兩國俱敝至是始以兄弟之國成和十月遣禮部尚書奧敦良弼大理卿裴滿欽甫侍御史烏古孫弘毅為報成使三年十月夏人告哀遣中大夫完顏履信為弔祭使夏人以兵事方殷各停使聘四年遣王立之來聘未復命而夏亡新定夏使儀注夏國使副及參議各一謂之使都管三上節中節各五下節二十四謂之三節人從報至行省

差接伴使與書表人迓於境入界則先具驛程腰宿之次始至京兆行省翌日賜宴至河南行省亦然謂之來宴將至京遣內侍一人以油絹複韜三銀盒貯湯藥二十六品逆於近境尉氏縣賜之至恩華館舊名燕賓館承安三年更名更衣由宜照門入預差館伴使副使二員書表四人牽攏官三十人以俟來使三節人從至會同館謂之聚廳先以館伴使名銜付之而使者亦以其銜呈然後使副都管上中節人從以次見館伴使接伴使初相見之儀亦然次以館伴所書表見又使館伴所牽攏官與下節人互相參見畢乃請館伴接伴人使副各公服齊出

幕次對行上廳欄子外館伴在北對立先接伴揖次來使副與館伴互展狀揖各傳示再揖各就位請收笏坐先湯次酒三盞置果殺茶罷執笏近前齊起欄子外館伴在南對立先館伴揖次展接伴辭狀相別揖各傳示再揖通揖分位是日皇帝遣使撫問天使至館轉銜如館伴初見之儀館伴與天使來使副各公服齊行至位對立請來使副升拜褥望闕立次請天使升拜褥稍前立來使副鞠躬天使言有勅乃再拜鞠躬天使口宣辭畢復位來使再拜舞蹈三拜復位立來使與天使各展狀相見揖次館伴揖來使令人傳示請館伴天使與來

使對行上廳各赴椅子立通揖請收笏坐湯酒殺茶並如前畢執笏近前齊請起至拜褥依前對立請來使副升褥位進表謝撫問再拜副使平立使跪奉表天使近前搢笏受之出笏復位來使就拜退復對立來使令人傳示館伴依例書送天使土物畢展天使辭狀相別揖次館伴揖各請分位是後每旦暮傳示并牽攏官聲喏如儀到館之明日遣使賜酒果天使初至轉銜後望拜傳宣皆如撫問之儀使副單跪以酒果過其側拜舞蹈如儀上廳湯酒茶畢詣拜褥位跪進謝賜酒果表贈天使土物皆如撫問使禮押酒果軍亦有土物之贈乃命

閣門副使至館習儀初轉銜前後皆如館伴相見之儀
湯茶罷館伴閣副傳示使副來日入見例當習儀來使
副回傳示習儀畢第二盞後當面勸習儀承受人酒一
盞先揖飲酒再拜退三盞果茶罷執笏近前齊起欄子
外南爲上對立以來日入見故但揖而不展辭狀分位
乃以入見膀子付閣門持去以付禮進司來使副以書
送土物於引進使及交進物軍員人等閣門副及習儀
承受人各贈土物第三日入見其日質明都管三節人
從皆裹帶館伴與來使副各公服齊請赴馬臺館伴牽
攏官喝排馬來使牽攏官喝牽馬各上馬張蓋都管馬

上奉書在使前至中門外以外爲上對立先來使牽攏
官兩聲喏次館伴牽攏官亦然齊揖各傳示再揖請行
至左掖門外五百步館伴與使副乃左右易位而行揖
畢去門百步去傘下馬出笏對行凡後入稱賀曲宴皆
同是儀來使人從持物者不得入門牽攏官權收之客
省令二人傳示館伴與來使各令人回傳示至客省幕
前館伴所書表在上立齊揖乃入幕先館伴所書表傳
示次來使書表傳示依前欄子外立先揖當面勸酒一
盞再揖退引館伴來使入客省幕內爲上對立揖畢請
分位立先館伴揖次展客省起居狀揖各傳示再揖通

揖請赴位立再揖請收笏坐先湯次酒三盞各有果餼
第三盞酒畢客省乃傳示來使請都管上中節勸酒回
傳示畢引都管上中節於幕次前階下排立先揖飲酒
再揖引退第三盞酒畢茶罷執笏近前齊起幕次前立
通揖畢各歸本幕次俟殿上小起居畢宰執升殿餘臣
分班退閣使奏來使見榜子乃先請館伴入班俟閣門
招引乃請客省與來使副對立於幕前外爲上使者奉
書揖畢對行至三門外與引揖閣副揖使奉書副出笏
後隨左上露臺殿簷柱外奉書單跪舊儀於丹墀內奉書閣使接
書使副就拜立閣使右入欄子內奏封全轉讀畢故事皆不

讀引使副入殿欄子內揖使副鞠躬再拜引少前跪奏
弟大夏皇帝致問兄大金皇帝聖躬萬福再拜與復位
皇帝乃宣問夏皇帝使副鞠躬受旨畢引使少前跪奏
弟大夏皇帝聖躬萬福拜復位立齊退左下階至丹墀
北向立以禮物右入左出盡揖使副傍折通班再引至
丹墀舞蹈五拜不出班代奏聖躬萬福畢再拜引使副
前雙跪皇帝遣入勞問復位謝恩舞蹈五拜再揖使副
出班謝面天顏復位舞蹈五拜再揖閣副鞠躬引使出
班謝遠差接伴兼賜湯藥諸物復位舞蹈五拜喝各祇
候引右出至三門階下與閣副揖別與客省同行至幕

次前對揖各歸幕次引都管上申節左入丹墀立下節於門外階下立齊鞠躬通名先再拜不出班奏聖躬萬福再拜下節鞠躬聲喏初一拜呼萬歲次一拜呼萬歲臨起呼萬萬歲喝各祇候平立引右出乃賜使者衣拜舞皆如賜酒果之儀畢使者與天使對立次請都管三節人從望闕立天使稍前立都管人從鞠躬天使傳勅拜謝如使儀就拜畢謝恩再拜下節鞠躬聲喏如入見儀乃再引入賜以酒食閤門招客省皆如入見儀至丹墀謝賜衣物再拜舞蹈三拜鞠躬贊有勅賜酒食舞蹈五拜喝各祇候引右出如前儀歸幕乃請出館伴與使

副幕前對立揖各傳示再揖請行至元下馬所復左右易位而行揖畢各收笏上馬至館又左右易位入門內爲上對立先來使牽攏官次館伴牽攏官各聲喏再拜揖畢請分位乃以押伴使賜宴於管押伴至館轉名銜回畢與館伴來使公服齊詣褥位對立押伴稍前立先請押伴館伴上褥位望闕拜謝坐再拜舞蹈三拜起先請押伴上副階上立乃引使副上褥位望闕亦謝坐儀同上乃與館伴對行上廳押伴在副階上與使副展叅狀來使副先令人報上聞押伴回傳示再揖請押伴先入於卓前椅位立館伴與使副對揖各就位立通揖請

端笏坐湯入乃於拜席上排立都管人從湯盞出揖起
押伴等離位立都管人從鞠躬拜下節人聲喏如入見
儀呼萬歲畢喝押伴及使副皆就坐引三都管上中節
分左右上廳南入北爲上下節在西廊下立候押伴等
初盞畢樂聲盡坐至三盞下食畢四盞下酒畢押伴傳
示來使面勸都管上中節酒一盞來使答上聞以都管
上中節於副階下排立先揖飲傳台旨勸再揖退至五
盞下酒畢茶入都管人從於拜席上排立待茶罷揖押
伴等起離位立都管人從鞠躬喝謝恩拜下節聲喏如
上儀就位立請押伴等齊下廳赴拜褥對立先請使副

就褥位謝恩再拜舞蹈三拜復位乃請押伴館伴就褥
位謝如上儀復位第四日命押宴官賜宴官就館宴先
賜宴天使轉銜如前儀各公服請館伴天使與來使就
褥位對立先請使副就褥位望闕立次請賜宴天使就
褥位稍前使副鞠躬天使傳宣使副拜謝皆如前儀使
副與天使互展狀起居揖次館伴揖使副令人傳示館
伴依例請賜宴天使茶酒館伴暫歸幕來使副與天使
主賓對行上廳於西間內各詣椅位揖收笏坐先湯次
酒三盞果殽茶罷執笏近前請起賜宴天使暗退請押
宴使至褥位立次請館伴齊就褥位望闕再拜平身揖

笏鞠躬三舞蹈跪左膝三叩頭出笏就拜興再拜復位對立請押宴上廳次請來使副詣褥位謝坐再拜舞蹈三拜請分階升廳欄子外內爲上對立先館伴揖次互展押宴起居狀相見揖各傳示再揖通揖請就位詣椅位立通揖請端笏坐以御宴不敢用踏床湯入都管三節人從於拜席上排立湯盞出押宴離位立揖都管人從鞠躬下節人從聲喏呼萬歲如入見儀喝各就坐請押宴等坐引都管上中節分左右上廳北入南爲上立下節於西廊下南入北爲上立候押宴等初盞畢樂聲盡坐至五盞後食六盞七盞雜劇八盞下酒畢押宴傳

示使副依例請都管上中節當面勸酒使者答上聞復引都管上中節於欄子外階下排立先揖飲酒再揖退至九盞下酒畢教坊退乃請賜宴天使於幕次前候茶入乃於拜席排立都管三節人從茶盞出揖起押宴官等離位立揖都管人從鞠躬喝謝恩拜下節聲喏呼萬歲如入見儀齊鞠躬喝各祇候請押宴等官齊出分階下廳與天使對行至拜褥前立請使副就位望闕謝恩再拜舞蹈三拜畢依位立請押宴館伴齊詣褥位謝恩來使乃進謝御宴表先再拜平身立使跪奉表天使近前搢笏受表出笏復位使就拜退復位立使副上聞依

例書送天使土物領畢天使卽以物報之然後展天使
辭狀再揖次館伴揖通揖請分位是日來使於宴下監
酒等官及教坊人等皆有所贈第五日稱賀比至客省
幕次對立皆如入見儀至收笏坐先湯次酒三盞畢客
省傳示來使辭曰請都管上中節當面勸酒回傳示畢
引都管上中節於幕次前階下排立先揖飲酒再揖引
退至三盞酒畢茶罷出笏近前齊請出幕次前外爲上
對立通揖分位各歸幕次候閣門招引時請客省與使
副幕次前外爲上對立揖對行至門外階下與引揖閣
副揖引使副左入與臣僚合班至丹墀北嚮立定同臣

僚先再拜平身搯笏鞠躬三舞蹈跪左膝三叩頭出笏
就拜興再拜平立俟進酒致辭畢再拜宣徽使稱有制
又再拜宣答畢先再拜舞蹈平立分班俟皇帝舉酒時
再拜合班又再拜上殿夏使副在御座右第二行北端
立次引都管上中節左入至丹墀立下節門外階下排
立齊鞠躬通名畢先再拜鞠躬不出班奏聖躬萬福喝
拜又再拜下節聲喏呼萬歲如前儀喝各祇候畢平立
再鞠躬喝賜酒食聲喏再拜呼萬歲如前儀引左廊立
待床入進酒皇帝飲酒時上下侍立皆再拜俟進酒官
至位合坐官再拜皆坐卽行臣使酒普傳宣立飲再拜

復坐次人從鞠躬聲喏再拜呼萬歲之儀如前皆坐至
第三盞傳宣立飲畢再拜復坐次人從如前畢坐俟致
語聞鼓笛時揖臣使皆立俟口號絕臣使再拜坐次人
從如前儀復坐次至五盞將曲終人從立再如前儀畢
先引出臣使起再拜退至丹墀合班謝宴再拜舞蹈三
拜喝各祇候引出至三門階下與閣門副使相揖別與
客省同行至幕次前對立先揖各傳示再揖請分位就
幕次少頃請館伴與使副出幕次外爲上對立先揖各
傳示再揖引行至元下馬處請左右易位對立揖收笏
上馬至館聲喏相揖分位與初入見還禮同第六日賜

分食并賜酒果禮天使至館與第二日賜酒果禮同是
日支押分食酒果軍士物并在館隨局分官員承應人
例物凡裏外門將軍監厨直長館都監監酒食官承應
班祇候衆厨子館子巡護軍館伴所牽攏官皆溥及之
第七日曲宴禮如前儀第八日奉辭之儀至小起居畢
閣使先奏來使辭膀子引使者左入傍折通班至丹墀
再拜不出班奏聖躬萬福又再拜揖副鞠躬使出班戀
闕致詞復位再拜喝各好去引右出次引宰執下殿禮
畢第九日聚廳送至恩華館更衣而行凡使將至界報
至則差接伴使至則差館伴使去則差送伴使皆有副

皆差書表以從凡行省來宴回宴之押宴官皆從行省定差就借以文武高爵長官之職以爲轉銜之光來回之賜宴天使皆以閣門祇候往詔書口宣皆稟命於都省以翰林院定撰焉夏使至或許貿易於市二日使至所差者館伴使副各一監察奉職省令史各一書表四總領提控官酒食官監厨稱肉官各一牽攏官三十尚食局直長知書都管接手湯藥直長長行各一厨子五奉飲直長一長行二奉珍二儀鸞直長一長行十把內外門官二館外巡防軍三十把館甲軍六十二雜役軍六十過位不通漢語軍十凡雜役皆衣皂過食司吏八

十街市厨子四十方脉雜科醫各一醫獸一鞍馬二十四疋後止備八疋押馬官一員又差說儀承受禮直官一員凡在館鋪陳繳絡器皿什物戶部差官與東上直閣同點檢所經橋道皆先期命工部修治之凡賜衣使副各三對人從衣各二對使副幣帛百四十段舊又賜貂裘二無則使者代以銀三錠副代以帛六十疋後削之惟生餼則代以綾羅三十九疋帛六十二疋布四疋金帶三金鍍銀束帶三金塗銀鬧裝鞍轡三金塗銀渾裹書匣間金塗銀裝釘黑油詔匣及包書詔匣複各一朝辭賜人從銀二百三十五兩絹二百三十五疋賜宋

樂有本國舊音世宗嘗寫其意度爲雅曲史錄其曲其
俚者弗載云
雅樂凡大祀中祀天子受冊寶御樓肆赦受外國使賀
則用之初太宗取汴得宋之儀章鐘磬樂箎挈之以歸
皇統元年熙宗加尊號始就用宋樂有司以鐘磬刻晟
字者犯太宗諱皆以黃紙封之大定十四年太常始議
歷代之樂各自爲名今郊廟社稷所用宋樂器犯廟諱
宜皆刮去更爲製名於是命禮部學士院太常寺換名
乃取大樂與天地同和之義名之曰大和文武二舞皇
統年間定文舞曰仁豐道洽之舞武舞曰功成治定之

舞貞元儀又改文舞曰保大定功之舞武舞曰萬國來
同之舞大定十一年又有四海會同之舞於是是一代之
制始備明昌五年詔用唐宋故事置所講議禮樂有司
謂雅樂自周漢以來止存大法魏晉而後更造律度訖
無定論至後周保定中得古玉斗於地中以造尺律其
後牛弘以爲不可止用蘇綽鐵尺至隋亦用之唐興因
隋樂不改及黃巢之亂樂縣散失太常博士殷盈孫以
周法鑄罇鐘編鐘處士蕭承訓等校石磬合而奏之至
周顯德以黍定律議者謂比唐樂高五律宋初亦用王
朴所制樂時和峴以周顯德律音近哀思乃依西京銅

望臬石尺重造十二管取聲下王朴一律景祐初李照取黍累尺成律以其聲猶高更用太府布帛尺遂下太常樂三律皇祐中阮逸胡瑗改造上下一律或謂其聲舛鬱不和依舊用王朴樂元豐間楊傑參用李照鐘磬加四清聲下王朴樂二律以爲新樂元祐間范鎮又造新律下李照樂一律而未用至崇寧間魏漢津以范鎮知舊樂之高無法以下之乃以時君指節爲尺其所造鐘磬卽今所用樂是也然以王朴所制聲高屢命改作李照以太府尺制律人習舊聽疑於太重其後范鎮等論樂復用李照所用太府尺卽周隋所用鐵尺牛弘等

以爲近古合宜者也今取見有樂以唐初開元錢校其分寸亦同則漢律所用指尺殆與周隋唐所用之尺同矣漢津用李照范鎮之說而耻同之故用時君指節爲尺使衆人不敢輕議其尺雖爲詭說其制乃與古同而清濁高下皆適中非出於法數之外私意妄爲者也蓋今之鐘磬雖崇寧之所製亦周隋唐之樂也閱今所用樂律聲調和平無太高太下之失可以久用唯辰鐘辰磬自昔數缺宜補鑄辰鐘十五辰磬二十一通舊各爲二十四簾上曰嘗觀宋人論樂以爲律主於人聲不當泥於其器要之在聲和而已於是命禮部符下南京取

宋舊工更鑄辰鐘十有二又以舊鐘姑洗夷則皆高五律無射高二律別鑄以補之乃協又琢辰磬各十有二以其半少劣擇其諧者而用之初正隆間海陵營太廟于汴貞祐南遷宣宗修之以祔諸帝神主其地故宋景靈宮之趾也掘其下得編鐘十三編磬八皆刻大晟字時朝廷多故禮器散亡竟亦不能備也大定十一年太常議按唐會要舊制南北郊宮縣用二十架周漢魏晉宋齊六朝及唐開元宋開寶禮其數皆同宋會要用三十六架五禮新儀用四十八架其數多似乎太多今擬太常因革禮天子宮縣之樂三十六簋宗廟與殿庭同

郊丘則二十簋宜用宮縣二十架登歌編鐘編磬各一簋又按周禮太司樂凡樂圜鐘爲宮黃鐘爲角太簇爲徵姑洗爲羽雷鼓雷鼗孤竹之管雲和之瑟雲門之舞冬至日至地上之圜丘奏之若樂六變則天神皆降可得而禮矣六變謂六成也唐宋因之蓋圜鐘夾鐘也用爲宮者以上應房心有天帝明堂之象也宮聲三奏角徵羽各一奏合陽之奇數欲神聽之也凡樂起於陽至少陰而止圜鐘自卯至申其數有六故六變而樂止則天神皆降可得而禮也樂曲之名唐以和宋以安本朝定樂曲以寧爲名今止有太廟祫享樂曲而郊祀樂曲

未備皇統九年拜天用乾寧之曲今圓丘降神固可就
用今太廟祫享皇帝升降行止奏昌寧之曲迎俎奏豐
寧之曲酌獻舞出入奏肅寧之曲飲福奏福寧之曲宋
開寶禮亦可就用餘有郊祀曲名皇帝入中壝奠玉幣
迎俎酌獻舞出入樂曲宜皆以寧字製名遂命學士院
撰焉皇帝入中壝奏昌寧之曲降神送神奏乾寧之曲
昊天上帝奏洪寧之曲皇地祇奏坤寧之曲配位奏永
寧之曲飲福奏福寧之曲升降望燎出入大小次並與
入中壝同餘載儀注及樂章又命太常議文武二舞所
當先後太常議按唐宋郊廟之禮並先文後武本朝自

行禘祫之禮亦然惟唐韋萬石建議謂先儒相傳以揖
讓得天下則先奏文以征伐得天下則先奏武當時雖
從尋復改之其以開元禮先文後武爲定方丘如圓丘
之儀社稷則用登歌

宗廟皇帝入門宮縣以無射宮升殿登歌以夾鐘皆奏
昌寧之曲迎神送神奏來寧之曲九成天德二年晨裸
畢還小次方奏迎神曲大定十一年朝享奏依開元開
寶禮至版位卽奏黃鐘宮三大呂角二太簇徵二應鐘
羽三曲詞皆同進俎奏豐寧之曲酌獻宮縣奏無射大
元之曲諸室之曲德帝曰大熙安帝曰大安獻帝曰大

昭昭祖曰大成景祖曰大昌世祖曰大武肅宗曰大明
穆宗曰大章康宗曰大康太祖曰大定太宗曰大惠熙
宗曰大同睿宗曰大和昭德皇后廟曰儀坤世宗曰大
鈞顯宗曰大寧章宗曰大隆宣宗曰大慶皇帝還版位
及亞終獻皆奏無射宮肅寧之曲飲福登歌奏夾鐘宮
福寧之曲徹豆奏豐寧之曲皆用無射宮大定十五年
制禘禘時享有司攝事初獻盥洗奏無射宮肅寧之曲
升階登歌奏夾鐘宮嘉寧之曲餘並與親享同其別廟
聖德皇后宣孝太子所用並載儀注樂章舊制太廟皇
考廟樂工各三十九人大定二十九年升祔顯宗有司

以爲宋之太廟別廟堂上樂各四十八人今之樂工少
十八人擬令皇考廟舊樂工皆充兩廟堂上樂以應前
代九十六人之數尚書省議古樂工無定數遂奏太廟
別廟通以百人爲定明昌六年勅設宮縣樂工一百五
十六人承安三年勅祭廟用教坊奏古樂非禮也其自
今召百姓材美者給以食直教閱以待用泰和元年命
宮縣樂工月給錢粟二貫石遇正樂工闕驗色收補四
年尚書省奏宮縣樂工總用二百五十六人而舊所設
止百人時或用之卽以貼部教坊閱習自明昌間以渤
海教坊兼習而又創設九十二人且宮縣之樂須行大

禮乃始用之若其數復闕但前期遣漢人教坊及大興府樂人習之亦可備用遂詔罷創設者宣宗南遷祔諸帝主於汴京太廟禮官言祔享禮畢車駕還宮至承天門外百官奉迎宮縣奏采茨以樂簾未備遂止用教坊樂哀宗遷蔡天興二年七月丁巳太祖太宗及后妃御容至自汴京奉安於乾元寺左宣徽使温敦七十五奏當用樂上曰樂須太常柰何七十五曰市有優樂可假用之權左右司員外郎王鶚奏曰世俗之樂豈可施于帝王之前遂止

樂舞名數太廟登歌鐘一簾磬一簾歌工四籥二塤二篪二笛二巢笙二和笙二簫二七星匏一九耀匏一閏餘匏一搏拊二祝一敔一麾一一弦琴三弦琴五弦琴七弦琴九弦琴各二瑟四別廟登歌並同親祠則用金鐘玉磬攝祭則用編鐘編磬宮縣樂三十六簾編鐘十二簾編磬十二簾大鐘搏鐘特磬各四簾建鼓應鼓鞀鼓各四路鼓二路鼗二晉鼓一巢笙竽笙各十籥十簫十篪十笛十塤八一絃琴三三絃五絃七絃九絃琴各六瑟十二祝一敔一麾一文舞所執籥翟各六十四武舞所執朱干玉戚各六十四引舞所執旌二纛二牙杖二單鼗二單鐸二雙鐸二金鏡二金鐃二金鉦二相鼓

二雅鼓二有司攝祭宮縣二十簋編鐘四編磬四辰鐘
十二建鼓四路鼓四路鼗二晉鼓一巢笙竽笙簫塤箎
笛各八二絃琴三三絃五絃七絃九絃琴各六瑟八祝
敵各一麾一登歌及二舞引舞所執與親祠同

皇帝受冊寶前期大樂令與協律郎設樂縣於殿廷又
設舉麾位二一於殿西階一於樂縣西北又設登歌樂
架於殿上至日侍中奏外辦宮縣樂作皇帝乃出卽坐
樂止奉寶入門樂作置褥位上樂止初引時宮縣樂作
至位立定樂止寶初行樂作至御前置訖樂止皇帝受
寶訖樂作侍中奏稱賀樂止皇太后升殿登歌樂作復

位樂止侍中奏禮畢宮縣樂作皇帝還幕次樂止

御樓宣赦前期大樂署設宮縣於樓下又設鼓一於宮
縣之左至日金鷄初立大樂署擊鼓立訖鼓止侍中奏
外辦大樂令撞黃鐘之鐘右五鐘皆應昌寧之樂作皇
帝乃出宣讀訖百官舞蹈禮畢大樂令撞蕤賓之鐘左
五鐘皆應昌寧之樂作皇帝降座樂止凡皇帝出入升
降及分班合班皆樂作坐立定乃止其冊命中宮皇太
子太孫受外國使賀宴外國使皆用宮縣樂奏味師官
散樂元日聖誕稱賀曲宴外國使則教坊奏之其樂器
名曲不傳皇統二年宰臣奏自古並無伶人赴朝參之

例所有教坊人員只宜聽候宣喚不合同百寮赴起居
從之章宗明昌二年十月用寅禁伶人不得以歷代
帝王爲戲及稱萬歲者以不應爲事重法科泰和初有
司又奏太常工人數少卽以渤海漢人教坊及大興府
樂人兼習以備用樂人皇帝親臨樂止凡皇帝出入長
鼓吹樂馬上樂也天子鼓吹橫吹各有前後部部又各
分二節金初用遼故物其後雜用宋儀海陵遷燕及大
定十三年鹵簿皆分鼓吹爲四節其他行幸惟用兩部
而已宣統前開大樂宮樂人數千又始置一宮
前部第一支鼓單宮樂人皇帝親臨大樂止

鼓吹令四人

柁鼓十二

大鼓百二十

鏡鼓一十二

拱辰管二十四

鈸笛二十四

前部第二管二十四

節鼓二十二

簫二十四

笳二十四

金鈺十二

長鳴百二十

歌二十四

簫二十四

大橫吹一百二十

笛二十四

箏二十四

箏二十四

桃皮箏二十四

桃皮箏二十四

柷鼓十二

金鈺十二

小鼓百四十

中鳴百二十

羽葆鼓十二

歌二十四

前部拱辰管二十四

簫二十四

後部第二十四

鼓吹丞二人

柷鼓三

金鈺三

羽葆鼓十二

歌二十四

拱辰管二十四

簫二十四

笙二十四

節鼓二

樂禮具鏡鼓

歌十六

和宗室簫二十四

笙二十四

麻宗世小橫吹百二十

禮後部第二

日甚於笛三十四

平四日算策二十四

朝賀之桃皮算策二十四

本朝樂曲未嘗習志姑

世宗大定九年十一月庚申皇太子生日止宴于東宮

命奏新聲謂大臣曰朕製此曲名君臣樂今天下無事

乾隆四年校刊

金史卷三十九

志

九

與卿等共之不亦樂乎辭律不傳十三年四月乙亥上御睿思殿命歌者歌女直詞顧謂皇太子曰朕思先朝所行之事未嘗暫忘故時聽此詞亦欲令汝輩知女直醇質之風至於文字語言或不通曉是忘本也二十五年四月幸上京宴宗室於皇武殿飲酒樂上諭之曰今日甚欲成醉此樂不易得也昔漢高祖過故鄉與父老歡飲擊筑而歌令諸兒和之彼起布衣尚且如是况我祖宗世有此土今天下一統朕巡幸至此何不樂飲于時宗室婦女起舞進酒畢羣臣故老起舞上曰吾來故鄉數月矣今迴期已近未嘗有一人歌本曲者汝曹來

前吾爲汝歌乃命宗室子敘坐殿下者皆上殿面聽上歌曲道祖宗創業艱難及所以繼述之意上旣自歌至慨想祖宗音容如覩之語悲感不復能成聲歌畢泣下數行右丞相元忠暨羣臣宗戚捧觴上壽皆稱萬歲於是諸老人更歌本曲如私家相會暢然歡洽上復續調歌曲留坐一更極歡而罷其辭曰

猗歟我祖聖矣武元誕膺明命功光于天拯溺救焚深根固蒂克開我後傳福萬世無何海陵淫昏多罪反易天道荼毒海內自昔肇基至于繼體積累之業淪胥且墜望戴所歸不謀同意宗廟至重人心難拒

勉副樂推肆予嗣緒二十四年兢業萬幾億兆庶姓
懷保安綏國家閒暇廓然無事乃眷上都興帝之第
屬茲來游惻然予思風物減耗殆非昔時于鄉于里
皆非初始雖非初始朕自樂此雖非昔時朕無異視
瞻戀慨想祖宗舊宇屬屬音容宛然如睹童嬉孺慕
歷歷其處壯歲經行恍然如故舊年從游依稀如昨
歡誠契濶日暮之若干嗟濶別兮云胡不樂

郊祀樂歌

皇帝入中壝宮縣黃鐘宮昌寧之曲

凡步武同

袞服穆穆臨于中壝瞻言園壇皇皇后帝禋祀肇稱

馨香維德爰暨百神於昭受職

降神宮縣乾寧之曲仁豐道治之舞園鐘爲宮黃鐘爲
角太簇爲徵姑洗爲羽園鐘三奏黃鐘太簇姑洗皆一
奏詞並同

我金之興皇天錫美惟神之休爰茲郊見有玉其禮
有牲其薦將受厥明來寧來燕

皇帝盥洗宮縣黃鐘宮昌寧之曲

因天事天惇宗將禮爰飭攸司奉時疊洗挹彼注茲
迺升壇陞先事而虔神勞豈弟

皇帝升壇登歌太呂宮昌寧之曲

皇相在國南崇崇其趾烝哉皇王維時泣止至誠通神
克禋克祀於萬斯年昊天其子

昊天上帝奠玉幣登歌太呂宮洪寧之曲
穆穆君王有嚴有翼珮環鏘然園壇是陟嘉德升聞
馨非黍稷高明降監百神受職

皇地祇神寧之曲

肅敬明祇躬行奠贄其贄維何黃琮制幣從祀羣靈
咸秩厥位維皇能饗允集熙事

配位太祖皇帝永寧之曲

肇舉明禋皇天后土皇祖武元爰作神主功昭耆定

歌以大呂綏我思成有秩斯祐

司徒迎俎宮縣黃鐘宮豐寧之曲

穆穆皇皇天子躬祀羣臣相之罔不敬止俎豆畢陳
物其嘉矣馨香始升明神燕喜

昊天上帝酌獻登歌太呂宮嘉寧之曲

郊禋展敬昭事上靈太尊在席有配斯馨酌言獻之
靈其醉止福祿來宜以答明祀

皇地祇泰寧之曲

袞服穆穆臨被泰折於昭神宮理幣瘞血爰稱匏爵
斟言薦潔方輿常安扶我帝業

配位太祖皇帝燕寧之曲

烝哉高后肇迪丕基功與天合配天以推薦時清旨
皇孔肅其儀來寧來燕福祿綏之

文舞退武舞進宮縣黃鍾宮咸寧之曲

奉祀郊丘雲門變舞進秉朱干停揮翟羽於昭睿文
復肖聖武無疆維烈天子受祐

亞終獻宮縣黃鍾宮咸寧之曲功成治定之舞

掃地南郊天神以埃於皇君在克禋克祀交於神明
玄酒陶器誠心靖純非貴食味

皇帝飲福登歌大呂宮福寧之曲

所以承天無過乎質天其祐之惟精惟一泰尊爰挹
馨香薦德惠我無疆子孫千億

徹豆登歌大呂宮豐寧之曲

大禮爰陳爲豆孔碩肅肅其容於顯百辟皇靈降監
馨聞在德明禋斯成孚休罔極

送神宮縣圓鐘宮乾寧之曲

赫赫上帝臨監禋祀居然來歆昭答祖配園壇四成
神安其位升歌贊送天人悅喜

方丘樂歌

迎神鎮寧之曲林鐘宮再奏太簇角再奏姑洗徵再奏

南呂羽再奏詞同

式至哉坤儀萬彙資生稱物平施流謙變盈禮修泰折

祭極精誠皇皇靈睠永奠寰瀛

初獻盥洗太簇宮肅寧之曲

禮有五經無先祭禮卽時伸虔惟時盥洗品物吉蠲

威儀濟濟錫之純嘏來歆愷悌

初獻升壇應鐘宮肅寧之曲

無疆之德至哉坤元沉潛剛克資生實蕃方丘之儀

惟敬無文神其來思時歆薦殷

初獻奠玉幣太簇宮億寧之曲

禮行方澤文物備舉惟皇地祇昭假來下奠瘞玉帛

純誠內著神保是享陟降斯祐

司徒捧俎太簇宮豐寧之曲

四階秩儀壇於方澤昭事皇祇卽陰以塘潔肆於祊

孔嘉且碩神其福之如幾如式

正位酌獻太簇宮溥寧之曲

蕩蕩坤德物無不載柔順利貞含洪光大籩豆旣陳

金石斯在四海永寧福祿攸介

配位酌獻

配太

宗也太簇宮保寧之曲詞闕

亞終獻升壇太簇宮咸寧之曲

乾隆四年校刊

通鑑卷三十九

志

左

卓彼嘉壇奠玉方澤百辟祇肅八音純繹祀事孔明
柔祇感格

徹豆應鐘宮豐寧之曲

修理方丘吉蠲是宜籩豆靜嘉登於有司芬芬馨香
來享來儀郊儀將終聲歌徹之

送神林鐘宮鎮寧之曲

因地方丘濟濟多儀樂成八變靈祇格思薦餘徹豆
神貺昭垂億萬斯年永祐丕基

詣望燎位太簇宮肅寧之曲詞同升壇

金史卷三十九

金史卷四十一

八元中書右丞相總裁脫脫等修

二志第三十一

鼓輒樂下

宗廟樂歌
鼓吹導引曲

殿庭樂歌
采茨曲

禘祫親饗皇帝入門宮縣無射宮昌寧之曲

出入步
武同

惟時升平禮儀肇興鳴鑾至止穆穆造庭百辟卿士

皇恪謹迎承恭隸祖考神宇攸寧

皇帝升殿登歌夾鐘宮昌寧之曲

升階及將還板
位皆同登歌

笙鏞既陳壘樽在戶升降有容惟規惟矩恭敬明神
皇止儀交舉永言保之承天之祐

乾隆四年校刊

金史卷四十一

志

皇帝盥洗宮縣無射宮昌寧之曲

惟水之功潔淨精微洗爵奠斝于德有輝皇皇穆穆

皇宗廟之威宜其感格福祉交歸

皇帝降階宮縣無射宮昌寧之曲

於皇神宮象天清明有來肅肅相維公卿禮儀卒度

蘇君子攸寧孔時孔惠綏我思成

迎神宮縣來寧之曲黃鐘宮三奏大呂角二奏太簇徵

二奏應鐘羽二奏詞同

八音克諧百禮具舉明德維清至誠永慕神之格思

金雲駟風馭來止來臨千祀燕處

司徒引俎宮縣無射宮豐寧之曲

維牲維犧齊明致祠我將我享吉蠲奉之博碩肥膄

神嗜爲宜千秋歆此永綏黔黎

始祖酌獻宮縣無射宮大元之曲

惟酒旣清惟穀旣馨苾芬孝祀在廟之庭羞於皇祖

來燕來寧象功昭德先祖是聽

德皇帝大熙之曲

萬方欣戴鴻業創基瑤源垂裕綿瓞重熙式崇茲祀

爰考成規籩豆有楚益臻皇儀

安皇帝大安之曲

爰圖造邦載德其昌皇儀允穆誕集嘉祥明誠昭格
積厚流光祇嚴清廟鐘石琅琅

獻祖大昭之典

惟聖興邦經始之初鳩民化俗還定攸居迪德純儉
志規遠圖時哉顯祀精誠有孚

昭祖大成之典

天啓璇源貽慶定基率義爲勇施德爲威耀武拓境
功烈巍巍永昌皇祚均福黔黎

景祖大昌之典

丕顯鴻烈基緒隆昌聖期誕集邦宇斯張尊嚴廟祐

照昭格休祥煌煌緝典億載彌光

世祖大武之典

桓桓伐功天監其明惟威震疊惟德綏寧神策無遺
鴻圖以興曾孫孝祀適昭厥成

肅宗大明之典

於皇神人武烈文謨左右世祖懷柔掃除威震遐邇
化漸蟲魚垂光綿永成帝之孚

穆宗大章之典

烝哉文祖欽聖弘淵慈愛忠信典策昭然歆此明祀
東繁祉綿綿時純熙矣流慶萬年

乾隆四年校刊

卷四十一

志

三

康宗大康之曲

惟明惟聽擘擘神功儀刑世業昭格上穹持盈孝孫
薦薦芳斯豐錫我祉福皇化益隆

太祖大定之曲

功超殷周德配唐虞天人協應平統寰區開祥垂裕
肇基永圖明明天子敬承典謨

太宗大惠之曲

巍巍德鴻無爲端宸祚承神功究馴俗媿清宮緝熙
孝忠時祀欽奠著誠犧樽嘉旨

熙宗大同之曲

昭顯令德神基丕承對越在天享用躋升於穆清廟
來燕來寧神其醉止惟欽克誠

睿宗大和之曲

皇祖開基周武殷湯猗歟聖考嗣德彌光啓祐洪緒
長發其祥嚴恭廟享萬世烝嘗

世宗大鈞之曲

神之來思甫登于堂裸圭有瓚柜鬯芬芳巍巍先功
啓祐無疆萬年肆祀孝心不忘

顯宗大寧之曲

於皇神宮有嚴惟清吉蠲孝祀惟神之寧對越在天

綏我思誠敷祐億年邦家之慶
章宗大隆之曲

兩紀踐祚萬方寧康文經天地武服遐荒禮備制定
德隆業昌居歆典祀億載無疆

宣宗大慶之曲

猗歟聖皇三代之英功光先后德被羣生牲粢惟馨
鼓鐘其鏗神兮來思歆于克誠

文舞退武舞進宮縣無射宮肅寧之曲

明明先聖神武維揚開基垂統萬世無疆干戚象功
威議有光神保是饗昭哉降康

亞終獻無射宮肅寧之曲

涓辰之休昭祀惟恭威儀陟降惟禮是從籩豆靜嘉
於論鼓鐘惟皇受祉監斯德容

皇帝飲福登歌夾鐘宮福寧之曲

犧牲充潔粢盛馨香來格來享精神用彰飲此純禧
簡簡穰穰文明天子萬壽無疆

徹豆登歌夾鐘宮豐寧之曲

孝祀肅睦明德以薦樂奏九成禮終三獻百辟卿士
進徹以時小大稽首神保聿歸

送神宮縣黃鐘宮來寧之曲

潔茲牛羊清茲酒醴三獻攸終神既燕喜神之去兮
載錫繁祉萬壽無疆永保禋祀

郊祀前朝享太廟樂歌

皇帝入門宮縣無射宮昌寧之曲

郊將升禋廟當告虔錫鑾戾止孝寔奉先祀事斯舉
有序無愆祇見祖考神意懽然

皇帝升殿登歌夾鐘宮昌寧之曲

皇皇天子升自阼階奠見祖禰肅然有懷百禮已洽
八音克諧既昌且寧萬福沓來

迎神宮縣來寧之曲黃鐘三奏大呂角二奏太簇徵二

奏應鐘羽二奏詞同

以實應天報本反始潔粢豐盛禮先肆祀風馬雲車
神之弔矣來止來宜而燕翼子

皇帝盥洗宮縣無射宮昌寧之曲

有水于罍有巾于筐悅手拭爵圭袞有煒玄酒大羹
德馨維菲萬年昌寧皇皇負辰

皇帝升階宮縣無射宮昌寧之曲

降階同

巍巍京師有嚴神宮聖主戾止多士雲從來享來獻

肅肅其容將昭大報庸示推崇

司徒捧俎宮縣無射宮豐寧之曲

陳其犧牲惟純與精苾芬孝思於昭克誠不疾疾蠡
或剝或烹洋洋在上以交神明

始祖酌獻宮縣大元之曲

猗歟初基兆我王迹其命維新貽謀丕赫絲絲瓜瓞
國步日闢堂構之成焜煌今昔

獻祖大昭之曲

以聖繼興成王之孚民從其化咸奠攸居清廟觀德
猗歟備歎金石備樂以奉神娛

昭祖大成之曲

東夷不庭皇祖震怒神武削平貽厥聖緒猶室有基

壇壝乃樹億萬斯年天保孔固

景祖大昌之曲

於皇藝祖其智如神修法施令百度惟新疆宇日廣
海隅咸賓功高德厚耀耀震震

世祖大武之曲

於皇先王昭假于天長駕遠馭麾斥無前王業猶生
東孫謀有傳圓壇展禮敢先告虔

肅宗大明之曲

猗歟前人簡惠昭融相我世祖成茲伐功敷佑來葉
帝圖其隆將修熙事先欵神宮

乾隆四年校刊

穆宗大章之曲

仁慈忠信惟祖之休功光岐下迹掩商丘言瞻清廟
懷想前修神其來格歆茲庶羞

康宗大康之曲

猗歟前王惠我無疆儀刑典法日靖四方永言孝思
於乎不忘昭告大祀祇率舊章

太祖大定之曲

天生聰明俾乂蒸人惟此二國爲我毆民撻彼威武
萬邦咸賓明昭大報推而配神

太宗大惠之曲

維清緝熙於昭明德我其收之駿奔萬國南郊肇修
大典增飾清廟吉蠲純禋申錫

睿宗大和之曲

維時祖功肇開神基昭哉聖考其德增輝上動天監
明命攸歸謀貽翼子無疆之辭

文舞退武舞進宮縣肅寧之曲

先皇開基比迹殷湯功加天下武德彌光容舞象成
于戈戚揚於昭報本懷哉不忘

亞終獻宮縣肅寧之曲

於皇宗祊朝獻維時芬芬酒醴棣棣威儀誠則有餘

神之格思神孫千億神其相之赫赫歟
皇帝飲福登歌夾鐘福寧之曲

皇皇穆穆丕承丕基躬親于禋載肅載祇對越在天
神歆其誠于以飲酒如川之增
徹豆登歌夾鐘宮豐寧之曲

物維其時既豐且旨苾苾德馨或將或肆神之居歆
洽于百禮於萬斯年穰穰介祉
送神宮縣黃鐘宮來寧之曲

濟濟多儀皇皇雅奏獻終反爵薦餘徹豆神監昭回
有秩斯祐無疆之福申錫厥後

昭德皇后別廟郊祀前薦享登歌樂曲

初獻盥洗夷則宮肅寧之曲

神無常享時歆精誠惟誠惟潔感通神明先事盥滌
注茲清泠巾篚既奠尊彝薦馨

初獻升降殿仲呂宮嘉之曲

有來肅肅登降以敬粲粲衮服鏘鏘佩聲金石節奏
肅既協且平其儀不忒乃終有慶

司徒奉俎奏夷則宮豐寧之曲

馨我黍稷潔我牲牲降升有節薦是吉蠲工祝致告
威儀肅然神之弔矣元吉其旋

酌獻奏夷則宮儀坤之曲古其

倪天之妹坤德利貞圓丘有事先薦以誠我酒既旨

我穀既盈神其居饗福祿來成

徹豆奏仲呂宮豐寧之曲

明昭祀事舊典無違樂既云闋神其聿歸禮之克成

神保斯饗於萬斯年迓續丕貺

禘禘有司攝事

初獻盥洗宮縣無射宮肅寧之曲

祀事之大齊栗為先絜精以獻沃盥于前既灌以升

乃薦豆籩神其感格歆于吉蠲

升自西階登歌奏夾鐘宮嘉寧之曲餘並同親祀

國有太宮合食以禮躋階肅肅降陞濟濟鏘然純音

節乃容止神之格思永綏福履

時享攝事登歌樂章

初獻盥洗無射宮肅寧之曲

酌彼行潦維挹其清潔齊以祀祀事昭明顯允辟公

沃盥乃升神之至止歆于克誠

初獻升殿夾鐘宮嘉寧之曲餘同親祀惟不用宮縣

濟濟在庭祗薦有序雍容令儀旋規折矩爰徂于基

鳴佩接武敬恭神明來寧來處

乾隆四年校刊

金史卷四十一

志

十一

昭德皇后時享登歌樂章

初獻盥洗無射宮肅寧之曲

時祀有章禮備樂舉爰潔其盥亦豐其俎俯仰升降
中規中矩神其來格百福是與

初獻升殿夾鐘宮嘉寧之曲

三獻及司徒降同

假哉神宮神宮有恤惟時吉蠲登升翼翼歌鐘鏘煌
執笙磬翕繹於昭肅恭靈釐來格

司徒奉俎無射宮豐寧之曲

宮庭枚枚鐘磬喤喤既儀圭鬯既奠菅薊齊莊奉饋
升籩豆大房靈之右饗流慶無疆

酌獻無射宮儀坤之曲

於皇坤德作合乾儀塗山懿範京室芳徽容聲如在
典祀惟時神其克享薦祉來宜

亞終獻無射宮儀坤之曲

嘉羞實俎高張在庭申獻合禮

終獻改申為三

坤德儀刑神

其是聽用鬯清明清明既鬯來享來寧
徹豆夾鐘宮豐寧之曲

禮成於終神心禋禋菅蕭發馨樂闋獻已徒馭孔多
靈輿載軼青玄悠悠歸且億矣

宣孝太子別廟登歌樂章

乾隆四年校刊

金史卷四十一

志

七

初獻升殿夾鐘宮承安之曲

有膺斯牲有馨斯齊美哉洋洋升降以禮禮容既莊
樂亦諧止神之格思式歆明祀
酌獻無射宮和寧之曲

於惟光靈孝德昭宣高麗有奕來寧來燕於薦惟裕
既時既蠲從我烈祖載享億年

亞終獻和寧之曲

金石和奏豆籩惟豐祠宮奉事齊敬精衷笙吟伊浦
鶴駐緱峯是保是饗靈德無窮
徹豆夾鐘宮和安之曲

冊寢成奕奕今茲其時明稱肇祀將禮之儀侯安以懌
羞嘉且時樂闋獻已神其饗思

大定三年十月追上睿宗冊寶應鐘宮顯寧之曲
天開休運積仁而昌命茲昭考敢忘顯揚上儀肇舉
大涓日之良來格來享惠我無疆
大定十九年升祔熙宗冊寶樂曲

恢大帝業救寧多方懿德茂烈金書發揚肇舉上儀
涓擇吉日鴻名赫赫與天無極

上册寶宮縣靜寧之曲

日卜其吉承祀孔肅廣號追崇孝心克篤於乎悠哉

來思睟穆寶冊既承委於宗祝
皇帝降殿宮縣鴻寧之曲

繼世隆昌臨朝靜默追諡鴻名發輝潛德玉質金章
煌煌簡冊涓辰展儀永傳無極

殿庭樂歌

大定七年正月上冊寶皇帝將升御座宮縣樂太簇宮

泰寧之曲

降座同

德隆帝位承天而興侯邦來庭民居安寧歸美以報
傳之無極鴻名徽稱壽時萬億

冊寶入門奏天保報上之曲

四方既平功歸聖明定功巍巍丕享鴻名股肱良哉
揄揚元首儲精優游南山等壽

奉冊寶官將復班位奏歸美揚功之曲

聖德高明萬邦咸休錙銖唐虞糠粃商周維時羣臣
對敷稽首天子明明令聞不朽

冊寶初行奏和寧之曲

冊寶將升殿皇太子自侍立位至降階曲並同

四方攸同昭哉成功時和年豐諸福來崇英聲昭騰
和氣充塞於乎皇王維壽時億

皇太子升殿賀奏同心戴聖之曲

穆清皇風遐方來同於昭于天物和歲豐丕受鴻名

對揚偉績純釐穰穰敷錫罔極
上壽皇帝將升御座宮縣和寧之曲 同前
舉酒萬壽無疆之曲

四海太平吾皇之功羣臣對揚誕受鴻名霞觴瓊腴
君王樂豈皇天垂休萬壽無極

皇太子升階降階及與宮官升殿並奏和寧之曲 同前

進第一爵登歌奏王道明昌之曲

對天鴻休予以鋪張巍巍煌煌超冠百王皇圖皇綱
時維明昌祉福無疆于民敷揚

行羣官酒宮縣和寧之曲文武入設羣官食奏功成治

定之舞三成止

聖德高明如天強明多方治平功大有成流于聲音
形于蹈舞頒觴羣臣以昭禮遇

進第二爵登歌奏天子萬年之曲

惟明后馭寰瀛躋升平飛英聲功三皇德五帝游巖
廊億萬歲

行羣官酒宮縣和寧之曲武舞入設羣官食奏四海會
同之舞三成止

地平天成時和歲豐迓衡弗迷率惟救功受天之祐
獻四方來荷於萬斯年不遐有佐

進第三爵登歌嘉禾之曲

景命赫斯歸吾皇仁風洋洋被遠荒琛贄旅庭趨明

光氣和薰蒸為嘉祥殊本合穗真異常庾如坻京歲

且穰猗歟鴻休超前王播為聲詩傳無疆

行羣官酒設羣官食羣官降階宮縣並奏和寧之曲皇帝將降御座奏泰寧之曲並用大簇宮

大定十一年十一月行冊禮皇帝升御座宮縣泰寧之

曲

皇皇穆穆袞服王趾如日之升如山仰止九賓在列

媚茲天子願言無疆介以繁祉

冊寶入門奏天保報上之曲

穆穆元聖天廸子保相維臣工以奏丕號揚于路朝

玉牒神寶於萬斯年吾君壽考

奉冊寶官將復班位奏歸美揚功之曲

玉冊玉寶尊聖天子丕揚鴻名昭受帝祉閱休對天

其隆孰比臣下同心翼戴歸美

皇太子升殿賀奏同心戴聖之曲

大矣我后徽冊膺受歡趨彤庭拜手稽首休明御辰

無疆萬壽靈貺杳來天地長久

舉酒奏萬壽無疆之曲

聖德懋昭民歸天祐煌煌金書典冊光受備樂在庭

八音諧奏羣公奉觴天子萬壽典冊光受備樂五寶
進第一爵登歌王道昌明之曲

明明我皇道光化溥百度惟新禮修樂舉藻飾太平
爛然可觀超躋三王暉映千古其手歡首於明嘯
設羣官食奏和寧之曲功成治定之舞

穆穆我君威折羣醜輝光日新仁洽九有容典威蕤
超前絕後端拱深嚴寶冊膺受
第二爵登歌奏天子萬年之曲

典禮修惟明后揚鴻名燦瓊玖羅華紳爲萬壽歌南
山堅且久

行羣官酒奏和寧之曲四海會同之舞

道隆政平天開有德萬國和寧來王來極昭受鴻名
俯徇列辟錫飲行觴歡心各得

第三爵登歌奏嘉禾之曲

衆瑞畢至昭升平爰生嘉禾迺合穗廡廡大田無南
東稼茂如雲成豐歲旣刈旣穫百室盈擊壤歌沸野
老聲陶唐之民茲其比帝力何有若自遂

大定十八年十二月上受命寶皇帝將升御座宮縣奏
泰寧之曲並大呂宮

上帝有赫懷此明德界之神寶庸鎮萬國臨軒是膺

登降維則羣臣拜首年下萬億歲逾萬國誦禱景觀
寶入門奏天保報上之曲

大受命大寶昭答眷祐珍符明貺人爲天授文物具舉
韶濩迭奏羣臣上之天子萬壽百歲登舉慶福萬世

羣臣合班奏歸美揚功之曲百歲登舉慶福萬世
德旨生民明明元后端冕臨軒神寶是受羣工來賀

策成拜稽首無疆無期享祚長久
皇太子升殿并自侍立位降階宮縣稱觴介壽之曲

上儀昭舉膺時瑞玉羣辟在列蹵蹵肅肅袞衣桓圭
行歸美稽首升降惟時天子萬壽

舉酒登歌奏萬壽無疆之曲
上帝眷命純休茲至誕膺洪寶光臨大器稱觴對揚

嵩嶽萬歲其寧惟永無疆卜世
天德二年十月冊立中宮皇帝將升御座宮縣奏乾寧

之曲降座同
人道大倫王道所基明聖稽古陰教欲施臨軒發冊

備舉彝儀麟趾關雎宜播聲詩
冊寶入門奏昌寧之曲出門同

羽衛充庭淑旂徽章禮儀具舉涓辰以良相我內訓

來儀椒房億萬斯年邦家之光

將受冊寶以冊寶入門宮縣奏肅寧之曲 命婦升降同

塗山與夏關雎美周坤儀之尊母臨九州瑤冊禕衣

冊光配凝旒地久天長福祿是道

后出閣奏順寧之曲 升降座同

天立厥配任姒比隆母儀四海化行六宮日月並明

之乾坤合德於萬斯年作儷宸極

受冊奏坤寧之曲

風化之始由于壺闈禮文斯備爰正坤儀維順以慈

儷聖同德則百斯男垂統無極

天德四年二月冊皇太子皇帝將升御座宮縣奏乾寧

之曲皆用夾鐘宮

大君有為先圖本固涓辰之吉禮成儲副文物備陳

聲樂皆具人心載寧克昌福祚

冊使入門昌寧之曲

在天成象煥乎前星惟聖時憲典禮以行一人有慶

萬邦以貞社稷之福寢昌寢明

皇太子入門奏元寧之曲 出門同

皇矣上帝純佐明聖篤生元良日躋德性冊命主器

萬邦以正龍樓問寢億年之慶

大定八年正月冊皇太子皇帝將升御座宮縣洪寧之

曲

並用太簇宮

會朝清明臨軒備禮天威皇皇臣工濟濟於昭元良
膺茲典冊對揚闕休十年萬億日觀雲冊命主器

皇太子入門奏肅寧之曲

光昭前星惟天垂象稽古而行主器以長曲禮告成
邇遐屬望國本既隆繁釐永享典斯以行一人百與
羣臣合班奏嘉寧之曲

於皇臨軒禮崇上嗣維眷之祺僚方正位言觀其儀
翔翔濟濟美歸吾君太平萬歲
皇太子復受冊位奏和寧之曲

祖功艱難經營締構基牢根深枝繁葉茂於昭貽謀
駢休集祐元良斯貞吾皇萬壽

大定二十七年三月冊皇太孫皇帝將升御座宮縣奏
寧之曲 並姑洗宮

上天叢休申錫祚胤孫謀有貽臨軒體正煌煌上儀
欣欣眾聽隆我邦本無疆惟慶

皇太孫入門奏慶寧之曲

出門同

皇寶源流光流光惟遠孫謀有貽慶序昭衍於樂眾望
於皇備典動容周旋承茲嘉美

羣臣合班奏順寧之曲 絲竹夾鼓金石風篳篥

乾隆四年校刊

金史卷四十一

禮

十九

翠冕旒當宇徽章備舉綵仗充庭金石列簾濟濟多士
翼翼就序海潤山暉傾聽樂府

皇太孫復受冊位奏保寧之曲
皇禮之攸聞丕建世嫡衆論協從天心不易名崇震宮
辭著瑞冊社稷宗廟無疆夷懌

鼓吹導引曲

天眷三年九月駕幸燕京導引曲

無射宮

大五年一符仙仗到人間問稼穡艱難蒼生洗眼秋光
裏今日見天顏金戈玉斧臨香火馳道六龍閑歌謠
到處皆相似天子壽南山

天德二年三月祫享迴鑾導引曲

禮成廟享御衛拱飛龍諸道起祥風太平天子多受
福孝德與天通鳳簫龍管韶音奏聲在五雲中粲然
文物昭治世萬億禩無窮

貞元元年三月駕幸中都導引曲

並姑洗宮

五鑾輿順動嘉氣滿神京輦路宿塵清鈞陳萬旅隨天
仗縹緲轉霓旌都人望幸傾堯日鼇抃溢歡聲臨觀
八極辰居正寰宇慶昇平

采茨曲

新都春色滿華蓋定全燕時運千齡協星辰五緯連

六龍承曉日丹鳳倚中天王氣盤山海皇居億萬年

貞元三年十一月祫享迴鑾采茨曲 並用

慶成迴大駕仙仗紫雲深龍袞輝千騎嵩呼間八音
太平興縟禮萬國得歡心孝格迎遐福穰穰永降臨

正隆六年六月駕幸南京導引曲 並林鐘宮

貞神宮壯麗宮殿壓蓬萊向曉九門開聖明天子初巡
幸遙駕六龍來五雲影裏排仙仗清蹕絕纖埃都人
齊唱昇平曲更進萬年盃

采茨曲 並林鐘宮
雙闕層雲表澄景開清曉六龍天上來馳道平如掃

虞巡五載合夏諺一遊同都人欣豫意寫入頌聲中

大定三年十月祫享迴鑾采茨導引曲 皆應鐘宮自後親祀二曲並用

大宮崇烈考大禮慶初成綵仗迴雲步天階嚴蹕聲
舜宮合至孝周頌詠維清介福應穰簡歡交萬國情

導引曲

禮行清廟華黍薦年豐聖孝與天通六龍迴馭千官
衛玉振珮環風黃麾金輅嚴天仗霏霧鬱葱葱工歌
迭奏升平曲福祿自來崇

大定二十七年三月皇太孫受冊謝廟

導引曲

乾隆四年校刊

金史卷四十一

志

三

華璿源濬發衍慶自靈長聖運日隆昌震闡顯冊遵彝
大典基緒煥重光棟時廟見嚴昭報禮樂粲成章精誠
潛格神明助福祿永無疆

金史卷四十

金史卷四十一

元中書右丞相總裁脫脫等修

志第二十二

儀衛上

常朝儀衛
行仗法駕

內外立仗
黃麾仗

常行儀衛

金制天子之儀衛一曰立仗二曰行仗其衛士曰護衛
曰親軍曰弩手曰控鶴曰傘子曰長行立仗則有殿庭
內仗殿庭外仗凡大禮大朝會則用之其朔望常朝弩
手百人分立兩階而已行仗則有法駕大駕黃麾仗凡
行幸及郊廟祀享則用之其非大禮遠出則有常行儀
衛宮中導從焉大抵模倣宋制錯綜增損而用之其宿

衛則見兵志云

初國制凡朔望常朝日殿下列衛士簾下置甲兵正隆元年海陵去甲兵惟存錦衣弩手百人分立兩階其儀都副點檢公服偏帶常朝則展紫左右衛將軍宿直將軍展紫金束帶各執玉水晶及金飾骨朶左右親衛盤裏紫襖塗金束帶骨朶佩兵械供御弩手傘子百人並金花交脚幞頭塗金銅釵襯花束帶骨朶左右班執儀物內侍二十人展紫塗金束帶朝參日弩手傘子直於殿門外分兩面排立司辰報時畢皇帝御殿坐鳴鞭閣門報班齊執擎儀物內侍分降殿階南向立點檢司起居弩

手傘子於殿門外北面山呼聲喏訖卽於殿門外東西相向排立都點檢以次三員升殿都點檢在東近南左副又少南右副在西東向對立左右衛將軍在殿下東西對立省臣隨班起居畢左右司侍郎從宰執奏事殿中侍御史隨班起居畢東西對立於左右衛將軍之北少前修起居注分殿陛東西對立於殿欄外副階下以俟奏事畢皇帝還閣侍衛者乃退

凡遇大禮大朝會則有內外立仗熙宗皇統元年正月上冊寶立仗一千一百八十人自是以後至海陵時俱用三千人世宗大定七年上冊寶頗損其數且以天德

貞元不設車輅遂并去之是後或減至二千或一千或八百或六百人天德二年海陵立后發冊勤政殿設黃麾細仗用前六部攝官七十一擊執六百七十八人受冊泰和殿用後六部攝官三十六擊執三百二十二人大定八年正月冊皇太子於大安殿用黃麾半仗二千二百六十五人奉表于仁政殿用黃麾細仗一千四百二人二十七年冊皇太孫亦如之

大定八年黃麾半仗攝官一百七十五人擊執二千八

十一人編排職掌九人 殿庭內仗 以中心東西相向一重并面北旗幟

為中道左行自北西向排列黃麾幡一首執者三人碧欄

官一大雉扇二碧欄官一中雉扇六碧欄官一小雉扇六碧欄官一朱團扇六碧欄官一睥睨四碧欄官一紅大傘一碧欄官一紫方傘二碧欄官一華蓋一右行東向列者並同 面北第一行牙門旗八共二十四人分左右留中道第二行監門校尉十二分左右第三行長壽幢一押旗大將軍一居中次東五方龍旗十五次西五方鳳旗十五第四行自內而東青龍旗五紅龍旗二十自內而西青龍旗五紅龍旗二十第五行同上又君王萬歲旗一五人居中日旗一五人在左月旗一五人在右第六行自內而東天下太平旗苜蓿紋旗日月合璧

旗莖紋旗青龍旗赤龍旗河瀆旗江瀆旗各一旗五人
排仗通直官一排仗大將一未午巳辰卯寅旗各一青
天王旗白天王旗各一自內而西祥雲旗五星連珠旗
祥雲旗黃龍旗白龍旗黑龍旗淮瀆旗濟瀆旗各一旗
五人通直官一大將一申酉戌亥子丑旗各一緋天王
旗皂天王旗各一第七行自內而東孔雀旗一五人蒼
鳥旗兕旗犛牛旗驪騮旗赤熊旗白狼旗金鸚鵡旗馴
犀旗角端旗鷓鴣旗騶牙旗野馬旗瑞麥旗甘露旗各
一旗五人自內而西者同在門外仗在門外左邊西向自北
排列第一部第一行侍御史大將軍折衝都尉各一主

帥三第二行絳引幡五首十五人龍頭竿四弓矢五揭
鼓二龍頭竿四儀鎗斧五龍頭竿四朱刀盾五龍頭竿
四綠刀盾五龍頭竿四小戟五第三行與第一行同第
四行與第二行同第二部第三部第四部第五部以次
而南各爲前後四行其名數與第一部同惟無絳引幡
右五部東向排列色數皆同左第五行從北每大旗一
均用小紅龍旗二間之角宿旗一三人均用二亢宿旗
一三人均用二氏宿旗一三人均用二房宿旗一三人
均用二心宿旗一三人均用二尾宿旗一三人均用二
箕宿旗一三人均用二斗宿旗一三人均用二牛宿旗

一三人均用二女宿旗一三人龍旗并黃排欄旗各一
虛宿旗一三人紅黃排欄旗二危宿旗一三人紅紫排
欄旗二室宿旗一三人黃紫排欄旗二壁宿旗一三人
紅黃排欄旗二重輪旗一三人紅紫排欄旗二左攝提
旗一三人黃紫排欄旗二青龍旗一三人紅黃排欄旗
二木星旗一三人紅紫排欄旗二火星旗一三人黃紫
排欄旗二土星旗一三人紅黃排欄旗二金星旗一三
人紅紫排欄旗二水星旗一三人吏兵并紫排欄旗各
一北岳旗一三人吏兵并龍君旗各一東岳旗一三人
龍君并黃熊旗各一中岳旗一三人黃熊并赤豹旗各

一西岳旗一三人赤豹并力士旗各一南岳旗一三人
力士并虎君旗各一朱雀旗一三人虎君并天馬旗各
一右第五行從北奎旗一三人婁旗一三人胃旗一三
人昴旗一三人畢旗一三人觜旗一三人參旗一三人
井旗一三人鬼旗一三人皆均用二旗如前柳宿旗一
三人紅龍并黃排欄旗各一星宿旗一三人紅黃排欄
旗二張宿旗一三人紅紫排欄旗二翼宿旗一三人紫
黃排欄旗二軫宿旗一三人紅黃排欄旗二重輪旗一
三人紅紫排欄旗二右攝提旗一三人紫黃排欄旗二
白虎旗一三人紅黃排欄旗二東方神旗一三人紅紫

排欄旗二南方神旗一三人黃紫排欄旗二中央神旗
一三人紅龍排欄旗二西方神旗一三人紅紫排欄旗
一北方神旗一三人力士并紫排欄旗各二風伯旗一
三人力士并虎君旗各一雨師旗一三人虎君并黃熊
旗二雷公旗一三人黃熊并赤豹旗二電母旗一三人
赤豹并吏兵旗二北斗旗一三人吏兵并龍君旗二玄
武旗一三人龍君并天馬旗二三人執一旗者重立六
人各執小旗者亦重立 殿門外仗亦從北留中道飛
麟旗駛馱旗鸞旗麟旗馴象旗各二共十人從中分列
爲第一重鴟鷄旗貔旗玉馬旗三角獸旗黃鹿旗各二
二十爲第四重又其次五部各弓矢二十爲第五重左
右同

黃麾細仗攝官八十八人擎執一千三百五人編排職
掌九人 內仗中道左一行自北西向排列黃麾幡一
首執者三人大雉扇六中雉扇六小雉扇六朱團扇六
睥睨四紅大傘一紫方傘二華蓋一凡傘扇之上皆有
碧欄官一右行東向排次同 面北第一行長壽幢一
居中牙門旗八共二十四人分左右第二行君王萬歲

旗五人居中日旗五人監門校尉五人在左月旗五人
監門校尉五人在右第三行五方龍旗十五在左五方
鳳旗十五在右第四行紅龍旗三十四第五行紅龍旗
三十四皆分左右第六行自內而東太平莛紋合璧莛
紋赤龍青龍旗各一旗五人通直一人大將一人未午
巳辰卯寅旗各一青天王旗白天王旗各一自內而西
祥雲連珠祥雲黃龍白龍黑龍旗各一旗五人通直一
人大將一人申酉戌亥子丑旗各一緋天王旗皂天王
旗各一第七行自內而東河瀆江瀆兕赤熊馴犀角端
鷓鷄綱子旗各一旗五人自內而西淮瀆濟瀆兕赤熊

馴犀角端鷓鷄綱子旗各一旗五人 外仗左邊西向
自北排列第一行五部侍御史大將軍折衝都尉各一
主帥各二第二行第一部絳引幡五首十五人龍頭竿
四弓矢五揭鼓二儀鎧斧五龍頭竿四弓矢五朱刀盾
五綠刀盾五龍頭竿四儀鎧斧五朱刀盾五綠刀盾五
龍頭竿四小戟五龍頭竿四小戟五第二部至五部無
絳引幡餘色並同以次相接而南右五部東向亦如之
左第三行從北角亢氏房心尾箕斗牛女虛危室壁旗
各一旗三人次重輪左攝提青龍旗各一木火土金水
星旗各一北東中南西岳旗各一旗三人次紫排欄四

黃排欄四紅排欄四吏兵旗二天馬旗一右第三行從
北奎婁胃昴畢觜參井鬼柳星張翼軫旗各一旗三人
次重輪右攝提白虎旗各一東南中西北方神旗各一
風伯雨師雷公電母北斗旗各一旗三人次紫排欄四
黃排欄四紅排欄四吏兵旗二天馬旗一

行仗天子非祀享巡幸遠出則用常行儀衛弩手二百
人軍使五人控鶴二百人首領四人俱服紅地藏根牡
丹錦襖金鳳花交脚幘頭塗金銀束帶控鶴或皂帽碧
襖各執金鍍銀蒜瓣骨朶長行四百人拳脚幘頭紅錦
四襖襖塗金束帶二人紫衫前導無執物餘執列系骨

朶七十八瓜八十八鐙三十四在控鶴前金吾仗八十
金花大劔六十俱垂紅絨結子儀鎧斧五十八在控鶴
後其常朝御殿郊廟臨幸凡步輦出入則有近侍導從
執金鍍銀骨朶者二人左右扇十人拂子四人香盒二
人香毬二人節二人幢二人盃一人唾壺一人淨巾一
人鋤鑼一人水罐一人交椅一人斧一人皇帝出閣則
分立閣門之外導引至殿皇帝升座則降階以俟入閣
然後放仗

天眷三年熙宗幸燕始備法駕凡用士卒萬四千五十
六人攝官在外海陵遷都于燕用黃麾仗萬三百四十

八人天德三年祀廟用黃麾四千人世宗卽位凡行幸
祀享並用三千人間亦不滿其數大定十一年前祀南
郊朝享太廟及至郊壇用大駕七千人此其大較也
天眷法駕人數攝官六百九十九人將軍大將軍四十
三人折衝果毅一百二十六人校尉五十六人郎將三
十四人帥兵官二百四十六人統軍六人都頭六人千
牛一人旅師二人部轄指揮使二人押纛二人押衙四
人四色官四人押旗二人引駕官四人進馬四人押仗
通直二人押仗大將二人碧欄一十六人長史二人鼓
吹令二人鼓吹丞二人典事五人太史令一人太史正

共人司丞一人府牧一人刻漏生四人縣令一人御史
大夫一人僚佐六十人進輅職掌二人夾輅將軍二人
陪輅將軍二人教馬官二人四省局官八人導駕官四
十八人抱駕頭官一人執扇篋一人尚輦奉御二人殿
中少監二人供奉職官二人令史四人書令史四人押
仗二人殿中侍御史二十四人諸班直隊二千九百四
十五人鈞容直三百六十六人人員六長執旗一百三十六
人引駕六十二人人員二長駕頭天武官一十二人執
從物茶酒班一十一人御龍直仗劔六人天武把行門
八人殿前班擊鞭一十人御龍直四十人人員二長骨

朶直一百三十四人部押二人殿前班行門三十五人

捧日馬隊七百人奉宸步隊七百人天武骨朶大劔三

百一十人人員一十長行三百東第四班三十一人人員一長行三十扇

箕天武二十人捧日隊從領人員一十七人簇輦茶酒

班三十一人人員一長行三十鈞容直三十一人人員一長行三十招

箭班三十三人人員三長行三十天武約欄三百一十人人員一十

長行車輅下駕士六百三十八人玉輅下一百四十人

控踏路馬四駕士一百二十八挾輅八金輅下六十四人控馬踏路四駕士六十象

輅下駕士四十人革輅木輅耕根車駕士同上革車二

共五十人指南記里車各三十人輅車鸞旗皮軒車各

十八人黃鉞豹尾車各十五人屬車八共八十八人輦

輿下六百八十五人小輿一長行二十四人逍遙一共

三十五人什將節級九長行二十六平輦下四十二人什將節級九人員七長行

二十腰輿共一十九人人員一什將虞候二長行一十六大輦下三百

七十一人掌輦人員四什將十二長行三百五十五番芳亭輦一長行六

十人御馬三十二共百三十四人控馬天武官六十四挾馬騎御馬直長行

六十四人押馬六人騎御馬直人員三天武節級三人象二十三人 擊執人士

共八千七百七十一人 鼓吹樂二九百九十四人

馬六千七十八匹

天德五年海陵遷都于燕用黃麾仗一萬八百二十三

人攝官騎三千九百六十九分八節一萬八百二十三

第六節中道象二十二人節級二人銅鑼七寶礮石銀

服花脚幘頭青錦絡縫緋第一引七十二人清道一弁武

緋雲鶴袍袴革憶弩一赤平巾幘緋辟誕馬二控四人

赤平巾幘緋繡寶相花衫軺車一赤馬二駕士十八人

銀革帶繡轡涼屨二副縣令一員朝服坐僚佐四員

武弁緋繡雉大袖衫白袴軺車一員朝服坐僚佐四員

馬纓轡涼屨銅面包尾紫方傘一黃抹額寶相花

並朝控馬八人錦帽絡縫紫紫方傘一衫銀帶大口袴

朱團扇一曲蓋一花抹額寶相青衣二革帶執青竹杖

車輻棒二赤平巾緋白澤告止幡二執者六人緋抹額

衫革傳教幡一信幡各三人並黃抹額寶相花小戟

十六服同第二引二百六十四人清道二憶弩一誕馬

四控八人服並捫鼓一金鉦一平巾幘緋鸞衫大鼓六

黃雷花衫袴節一幢一麾一夾稍二角四儀刀十並平

抹額抹帶緋繡寶相花衫革車一赤馬四駕士二十五人武弁獅

銀革帶大口袴革車一赤馬四駕士二十五人武弁獅

勒帛馬飾如前府牧一員朝服僚佐四員控馬八人服並鏡鼓

一簫二笛二笛一篳篥一並平幘緋寶相大橫吹一

紋袍袴抹額抹帶青衣四車輻棒四紫方傘一朱團扇四曲蓋

一告止幡二六人傳教幡二六人信幡二六人小戟四

十服並刀盾三十六銀褐抹額寶花弓矢二十六錦帽

相花衫銀稍三十六錦帽紫寶相朱雀旗隊三十四人

乾隆四年校刊

金史卷四十一

志

十一

折衝都衛三人 平巾幘紫辟邪衫革帶大口袴錦騰蛇橫刀弓矢 爆稍二 平巾幘

繡寶相花 朱雀旗一五人 緋抹額寶花衫革帶大口袴 弩 緋抹額寶花衫革帶大口袴

六弓矢六稍十二 並平巾幘緋寶相花 龍旗隊七十一人

大將軍一人 朝服 引旗四人 黃抹額寶花衫革帶大口袴 旗十二風伯

旗一雨師旗一雷公旗一電母旗一北斗旗一五星旗

五左右攝提旗二執夾共六十人 皆五色寶相花衫抹額革帶袴橫刀引夾

人加弓矢後凡 副竿二 錦帽黃寶花 護旗四人 加黃抹額弓矢

大僕三車八十一人指南車駕士三十人 武弁緋絕繡

褙帶 記里鼓車駕士三十人 獬豸鸞旗車駕士十八人

瑞鷹 駕車赤馬十二執黑杖者三人 牙門旗隊二十

八人 分左右 白澤旗二執夾各五人 綠貝冠人馬甲錦臂

金吾牙門旗第一門牙門旗四執夾十二人 青寶相花

帶大口袴橫刀 監門校尉六人 長脚幘頭緋抹額獅子

引夾人加弓矢 前部馬隊第一隊七十人折衝果毅都尉二人

皮靴後 錦帽緋辟邪袍袴 角宿亢宿斗宿牛宿旗四旗各五人

革帶橫刀弓矢 並五色寶相花衫抹額 弩六弓矢十四 並錦帽青寶相

稍二十八 緋色衫 第二隊七十人折衝果毅都尉二人

白澤 氏宿女宿房宿虛宿旗四旗五人弩六弓矢十四

稍二十八 服執 第三隊七十人折衝果毅都尉二人

宿危宿尾宿室宿旗四旗五人弩六弓矢十四

稍二十八 服執 第三隊七十人折衝果毅都尉二人

宿危宿尾宿室宿旗四旗五人弩六弓矢十四

乾隆四年校刊

八服執
如前

第二節金吾引駕騎二十人折衝都尉二人平巾幘緋

帶袴橫弩六弓矢六稍六並平巾幘緋寶相前部鼓吹

五百四十七人鼓吹令二人長脚幘頭綠公服府史四

人長脚幘頭綠寬衫角部轄指揮使一人平巾幘紫寶

錦騰主帥四十八人分五項平巾幘緋鸞擗鼓金鈺各

十二平巾幘緋鸞衫銀大鼓長鳴各百二十黃雷花衫

鏡鼓十二緋苴紋衫歌二十四拱辰管二十四簫二十

四笳二十四服如鉦鼓大橫吹百二十服如馬部第四

隊六十人分左折衝都尉二人緋麟箕宿壁宿旗各一

旗五人弩六弓矢十四稍二十八服執並第五隊六十

人折衝都尉二人奎宿井宿旗各一旗五人弩六弓矢

十四稍二十八服執並第六隊六十人折衝都尉二人

緋瑞鷹袍婁宿鬼宿旗各一旗五人弩六弓矢十四稍二十

八服執並第七隊六十人折衝都尉二人胃宿柳宿旗

各一旗五人弩六弓矢十四稍二十八服執並第八隊

六十人折衝都尉二人昴宿星宿旗各一旗五人弩六

弓矢十四稍二十八服執並第九隊六十人折衝都尉

二人赤豹畢宿張宿旗各一旗五人弩六弓矢十四稍

二十八服執第十隊七十人折衝都尉二人瑞馬觜宿

乾隆四年校刊

翼宿參宿軫宿旗各一旗五人弩六弓矢十四稍二十

八服執如前步甲隊第一第二兩隊百一十人領軍衛將軍

二人平巾紫白澤袍袴帶爆稍四平巾幘緋寶相折衝

都尉四人服如將軍鷓鴣旗二旗各五人朱牟甲弓

矢四十朱牟甲刀盾四十兜牟甲身披膊錦臂鞞

第三節中道前部鼓吹第二五百二十三人在外節鼓

二笛二十四簫二十四箏二十四笳二十四桃皮篳

篳二十四黑平巾幘緋對鸞衫主帥二十六人分四項革帶執

儀刀服如銀褐勒帛大口袴搗鼓金鈺各十二黑平巾幘緋繡對鸞衫銀

小鼓百二十中鳴百二十黃雷花袍袴羽葆鼓十二青

額紋袍抹帶歌二十四拱辰管二十四簫二十四笳二十四

服如侍御史二員朝服黃麾幡一三人武弁緋寶相花衫

執者馬步步甲第三隊五十二人折衝果毅都尉二人紫

馬玉馬旗二旗五人青牟甲弓矢四十服執並第四隊

五十二人折衝果毅都尉二人瑞鷹三角獸旗二旗五

人青牟甲刀盾四十第五隊五十二人折衝果毅都尉

二人白澤黃鹿旗二旗五人黑牟甲弓矢四十第六隊

五十二人折衝果毅都尉二人服飛麟旗二旗五人黑

牟甲刀盾四十第七隊五十二人折衝果毅都尉二人

赤豹赤豹馱馱旗二旗五人銀褐牟甲弓矢四十第八隊五

乾隆四年校刊

十二人折衝都尉二人服鸞旗二旗五人銀褐牟甲刀

盾四十第九隊五十二人折衝果毅都尉二人瑞鷹麟袍

旗二旗五人黃牟甲弓矢四十第十隊五十二人馴象

旗二旗五人黃牟甲刀盾四十服執金吾牙門旗第二

門牙門旗四執夾十二人監門校尉六人服執同左右

屯衛將軍二人平巾幘紫飛麟袍大口袴絳引幡二十

執者六十人武弁緋繡寶相花衫共八十人

第四節中道六軍儀仗二百五十二人統軍六人花脚幘頭

紫繡抹額孔雀袍革帶都頭六人長脚幘頭紫寶相

武軍旗二羽林軍旗二龍武軍旗二旗各五人帽執引夾

人金排欄旗四十八吏兵旗四力士旗四赤豹旗四黃

熊旗四龍君旗四虎君旗四掩尾天馬旗六旗一人錦

五色寶相花衫白斡槍九十交脚幘頭五色寶相柯舒

二十四鎧杖十八並貼金帽五色引駕龍墀隊六十五

人排仗通直二人排仗大將二人並長脚幘頭紫公服

天王旗四十二辰旗各一旗一人並錦帽五色寶相天

下太平旗一五方龍旗五旗五人執人錦帽引夾人貼

弓君王萬歲旗一日月旗各一旗五人執人錦帽引夾

已見御馬六十六人馬十六匹匹四人貼金幘紫寶相

前例花衫革帶夾馬三十二人貼金幘紫寶相

阜帽青錦襖塗金銅束帶廣武節級一人服同御馬

乾隆四年校刊

金史卷四十一

志

志

管押騎御馬直人員一人阜帽紅錦襖中道隊三十二

人大將軍一人朝服日月合璧旗一塗金銅束帶苜蓿紋旗二五星連

珠旗一祥雲旗二旗各五人服執見長壽幢一平巾幘

花衫革帶金吾細仗一百人青龍旗一白虎旗一五嶽

神旗五五方神旗五旗各四人並四色寶相花衫青黃

夾如押旗二人長脚幘頭紫公服五方龍旗各三五方

鳳旗各三旗一人並五色衫抹四瀆旗四旗五人並阜

花衫抹額革帶黃麾前第一部二百七十二人殿中侍

御史二人朝服左右屯衛大將軍二人折衝都尉二人平

幘紫飛麟袍革帶大口主帥二十人平巾幘緋寶相花

龍頭竿一百揭鼓六儀鎧斧二十小戟二十弓矢四十

朱滕絡刀盾二十稍二十綠滕絡刀盾二十並青寶相

抹帶行第二部二百七十二人殿中侍御史二人左右

領軍衛大將軍二人折衝都尉二人紫繡白主帥二十

人龍頭竿一百揭鼓六儀鎧斧二十小戟二十弓矢四

十朱滕絡刀盾二十稍二十綠滕絡刀盾二十服並第

三部二百七十二人殿中侍御史二人左右屯衛大將

軍二人折衝都尉二人紫瑞主帥二十人龍頭竿一百

揭鼓六儀鎧斧二十小戟二十弓矢四十朱滕絡刀盾

二十稍二十綠滕絡刀盾二十服並黃餘

第五節中道八寶三百人舉士九十六人平巾幘緋寶

袴塗金燭籠三十二大珮銀腰帶行馬十六服同碧欄

官十六人弓脚幘頭碧欄衫金銅束符寶郎八人長脚

綠公服角帶帶烏皮鞋後四人執長刀援寶三十二人武弁紫寶相花

杖槐簡步導長行三十人緋寶相花衫香案八舉士三十二人服同

燭籠案後金吾仗六方傘二大雉扇四服並同金吾仗

十二人四色官四人長脚幘頭綠公服大口袴金銅腰

儀押仗二人長脚幘頭紫公服金甲二人披膊撓牟鉞

甲進馬四人平巾紫犀牛補襦金吾引駕四十九人千

牛將軍一人千牛十人郎將二人並緋繡抹額紫犀牛

額千牛郎將花脚幘頭餘同長史二人長脚幘頭綠

帶袴烏引駕官四人長脚幘頭紫公服中雉扇十二大

傘二小雉扇四華蓋二香燈一座八人火燎一二人武

緋寶相花大袖腰輿人員什將三人阜帽紅錦襖塗金

革帶大口袴拳脚幘頭紅錦四排列官二人長脚幘頭

長行十六人襖襖塗金銀腰帶逍遙輦人員什將

鞋帶烏小輿二十四人白成銀束帶長行二十六人紅

皮鞞阜帽塗金銀束帶紅錦方長行二十六人地

共十六人勝練鵲人員執黑漆杖長行二十六人紅

白獅錦襖塗平輦人員什將十六人阜帽紅錦團輿輦

金銀帶冠同共一百三人諸班開道旗隊一百七十七人開道旗

一鐵甲撓牟紅背阜纛旗十二旗一人黑漆鐵笠阜引

乾隆四年校刊

卷之四十一

志

七

駕六十二人阜帽紅錦團襖紅背子輔龍直一百二人

阜帽紅背子骨黃麾前第四部二百七十二人殿中侍

御史二人左右武衛大將軍二人折衝都尉二人主帥

二十人龍頭竿一百揭鼓六儀鎗斧二十小戟二十弓

矢四十朱滕絡刀盾二十稍二十綠滕絡刀盾二十黃寶

相花衫餘並第五部二百七十二人除左右驍衛大將軍與都尉服赤豹

袍龍竿以下服銀褐花衫第六部二百七十二人除將

餘名色並如前第二部尉服瑞馬袍龍竿以下服牟

花衫餘名色並如前第三部

第六節中道門旗隊一百二十三人騎執門旗四十五

方色龍旗十步執紅龍門旗六十麋旗一簇輦紅龍旗

八日月旗二麟旗一鳳旗一旗皆一人並鐵甲兜牟紅

執者惟紅背子步錦襖紅背子馬金輅皇太后乘之公主侍駕士九十

執門旗仍帶劔坐故在玉輅之前四人赤平巾幘緋繡對鳳大擊鞭內侍十人阜帽紅錦

束駕頭下御床抱駕頭內侍一人長脚幘頭紫羅公控

馬二人錦帽錦絡縫寬廣武官十二人錦帽白成茶酒

班執從物十一人水罐二香毬二唾盂一厮羅一手巾

一御椅三人踏床一阜帽碧錦團襖紅錦共百三十人

拱聖直人員二人長行三十八人真珠頭巾紅錦四

導駕官四十二人朝從人八十四錦帽紫絡縫寬仗劔

六人阜帽紅錦團襖紅錦廣武把行門八人殿班把行

乾隆四年校刊

金史卷四十一

志

七

門三十五人服並如玉輅帝后同乘駕士百二十八人

服如金輅千牛將軍一人具裝執長左右點檢二人金披

甲夾輅大將軍二人陪輅將軍二人並朝進輅職掌二

人長脚幘頭紫寬教馬官二人長脚幘頭緋抹額紫寶

部押二人阜袍鐵甲紅挾輅八人控踏路馬四人馬二

面包尾涼屨錦襖執骨朶共一百五十三人龍翔馬隊二十隊六

百二十人分左右每隊人員三人阜帽鐵甲紅錦襖紅

馬殿侍二十八人鐵甲紅錦背子東第五班金槍六隊

每隊旗三人鎗二十五人內二十人共一百六十八人

並裹鐵兜銀鎗六隊每隊旗三人鎗二十五人內二十人

矢共一百六十八人並裹鐵東第四班二隊每隊旗三

人弩二十五人共五十六人鐵笠神勇步隊七百人分

左右作四重每重人員十阜帽紅錦團襖長行六百六

十人並鐵兜內拱聖骨朶直一百六十四人拱聖槍直

一百六十四人內執子旗者拱聖弓箭直一百六十六

人執骨朶拱聖弩直一百六十六人挾弩廣武骨朶

大劔三百一十人指揮使五人紅錦襖都頭五人紅襖

子并阜帽塗長行三百人內一百人簇四金鵬錦帽紫

金腰帶骨朶對鳳寬襖銀帶執銀花大劔導駕官四十二員從者八

十四人服已青龍白虎隊五十二人果毅都尉二人青

乾隆四年校刊

金史卷四十一

志

七

龍旗一白虎旗一旗五人弩六人弓矢十四稍二十服

前見

第七節中道駕后輔龍直等二十一人柏板一篳篥十

五笛十四人員一人長行三十人樂器自備並皂帽紅

扇篋二十五人執篋官一人控馬二人服並如紅龍扇

二長脚幘頭紫公廣武二十人錦帽繡寬襖白成銀束

十服塗金銀束帶七寶輦舉士四十二人什將人員十六人皂帽紅長

行二十六人盤裏幘頭紅錦四持鈸隊五十人旅帥二

人服如重輪旗二旗五人服同紅羅大傘二大雉扇八

小雉扇八紅羅繡華蓋一武弁緋寶相花衫朱團扇八

革帶袴錦騰蛇

黃寶相真武幢一皂寶相睥睨八緋寶相麾四幢紫

花衫花衫後部鼓吹三百三十七人鼓吹丞二人典士

四人部轄指揮使一人主帥十八人金鉦擗鼓各三羽

葆鼓十二歌二十四拱辰管二十四簫二十四笳二十

四節鼓二鏡鼓十二歌十六簫二十四笳二十四小橫

吹一百二十青芭紋袍抹額抹金吾牙門第三門牙門

旗四旗三人監門校尉六人服執同黃麾後第一部三

百七十二人第二部二百七十二人第三部二百七十

二人殿中侍御衛大將軍折衝都尉龍頭竿以下名色

並如前三部

乾隆四年校刊

金史卷四十一

第八節中道後部鼓吹第二百二十人笛二十四簫二

十四箏篋二十四笳二十四桃皮篋篋二十四服並屬如前

車八牛二十四駕士八十人武弁緋繡雲鶴大袖黃鉞

車赤馬二駕士十五人武弁緋對鵝大袖豹尾車赤馬

二駕士十五人武弁緋立豹大袖玄武隊六十一人金

吾折衝都尉一人平巾幘紫辟邪袍革爆稍二平巾幘

花衫革仙童旗一大帶玄武旗一騰蛇旗一神龜旗一旗五

人服執如稍十九弓矢十五弩四平巾幘緋寶相黃麾

後第四部二百七十二人第五部二百七十二人第六

部二百七十二人攝官各數服色並如前第四第五第

六部絳引幡二十執者六十人並武弁緋繡寶相花諸

從駕官並於仗後陪從朝服不足者公服凡應乘馬者

並同宋制

金史卷四十一

金史卷四十二
元中書右丞相總裁脫脫等修

志第二十三

儀衛下

大駕鹵簿
皇太子鹵簿
諸妃嬪導從

皇太后皇后鹵簿
親王兼從
百官儀從

大駕鹵簿世宗大定三年祫享用黃麾仗三千人分四節
第一節無縣令府牧即用黃麾前三部次前部鼓吹次金吾牙門旗次駕頭次引駕龍墀隊次天王十二辰等旗
第二節黃麾第四第五部次君王萬歲日月旗次御馬內增控馬司圍挾馬司圍各一十六人次日

月合璧五星連珠等旗次八寶內增執黑杖傳喝六十
 八人在香案前次七寶輦 第三節黃麾後第一第二
 部次玉輅次栲栳隊次導駕門仗官 第四節黃麾後
 第三第四第五部次金輅次牙門旗次後部鼓吹大定
 六年九月西京還都用黃麾仗二千五百四十二人攝
 在騎七百六十二匹分四節 第一節攝官五十四人
 執擎三百二人樂工一百七十人 第二節攝官三十
 二人執擎三百七十六人 第三節仗內攝官四十四
 人導駕官四十二人門仗官一百人玉輅青馬八駕士
 一百四十人護駕栲栳隊五百人執擎二百四十二人

第四節攝官五十人金輅赤馬八駕士九十四人控
 鶴二十二二人樂工八十四人執擎二百九十人是歲上
 還自西京有司備儀仗皇太子乘金輅上疑其非禮以
 問禮官無能知者上怒皆責降之明年將冊皇太子宰
 臣奏當備儀仗告廟上曰前朕受尊號謁謝但令朕用
 宋真宗故事朝服乘馬於禮甚輕今皇太子乃用備禮
 何耶丞相良弼謝上徐曰此文臣因循不加意爾先是
 凡行幸皆役民執仗是後詔以軍士易之大定十一年
 將有事於南郊朝享太廟右丞石琚奏其禮上曰前朝
 漢人祭天惟務整肅儀仗此自奉耳非敬天也朕謂祭

天在誠不在儀仗之盛也其減半用之於是遂增損黃
麾仗為大駕鹵簿凡用七千人攝官在內分八節 第一節

第一引七十人縣令第二引二百六十四人府牧第三
引二百二十九人御史大夫名色與府牧同頗損其數

而增行止旗一 第二節金吾阜燾旗一十二人朱雀
隊三十四人指南記里鼓車皆五十二人鸞旗車一十

八人前部鼓吹一百二十九人清游隊七十二人內白
澤旗二旗五人綠具裝冠綠皮甲勒皮錦臂鞬橫折衝

都尉二人黑平巾幘紫繡辟邪袍革帶銀弩六弓矢二
十四稍三十並錦帽青繡寶相花飲飛隊四十八人內

果毅都尉二黑平巾幘紫繡飛麟袍革帶銀虞候飲飛

三十人鐵甲兜牟橫刀鐵甲飲飛一十六人服執前部

馬隊第一隊六十四人第二第三隊皆六十人第四第
五隊皆五十八人及又仗五十四人內帥兵官二人黑

中幘緋寶相花衫革帶及二十六又二十六五色寶相
銀褐大口袴執儀刀緋繡寶相花衫抹額第三節前部

抹帶行行止旗一緋繡寶相花衫抹額第三節前部
鼓吹第二三百六十九人前步甲隊第一至第五隊皆

四十二人衙門旗二十人黃麾前第一部一百五十人
第二部一百二十人及又仗五十八人行止旗一第
四節黃麾幡三人六軍儀仗二百二十六人御馬三十

三人黃麾前第三至第五部皆一百二十人青龍白虎

隊五十二人及叉仗五十六人行止旗一 第五節八

寶二百三十二人平頭輦三十人七寶輦四十二人班

劍儀刀隊二百人內將軍二人折衝都尉二人 平巾幘 緋辟邪

袍革帶銀褐大口班劍儀刀各九十八 竝平巾幘緋繡 寶相花衫革帶

袴錦騰蛇執儀刀 銀褐大口袴錦 驍衛翊衛隊六十人內供奉郎將二員

騰蛇執儀刀 黑平巾幘緋繡瑞馬袍革 鳳旗二旗五人 服執 如前 弩弓矢

帶銀褐大口袴執儀刀 稍皆一十六 服如班 劍儀刀 夾轂隊第一隊九十二人內折衝

都尉二人 平巾幘緋繡飛麟袍革 寶符旗二旗五人朱

整甲刀盾八十 朱甲錦臂鞞 行滕鞋襪 第二隊八十二人內果毅

都尉二人 白澤 袍 飛黃旗三旗五人銀褐整甲刀盾七十

第三隊八十二人內果毅都尉二人 赤豹 袍 吉利旗二旗

五人阜整甲刀盾七十及叉仗五十六人行止旗一

第六節馬步門旗隊一百人駕頭一十五人廣武官茶

酒班執從物者二十三人御龍直四十人 紅錦團襖 鍍金束帶 內

人員二人 阜帽三十八 真珠頭巾 玉輅一百五十一人栲栳隊五百

人內金槍隊一百二十六人分左右人員十八 竝鐵甲 阜帽紅

錦背子執小旗 長行一百八人 鐵甲兜牟紅錦背子錦 臂鞞甲馬紅錦包尾執

金銀槍隊一百二十六人人員十八長行二百八人 竝

如銀槍 弓箭直步隊一百二十四人人員四 鐵甲阜帽紅 錦團花戰袍

弓矢執銀骨長行一百二十人鐵笠紅錦團花戰袍鐵甲弓矢骨朶朶馬甲全

直步隊一百二十四人人員四長行一百二十人服甲同上

無弓金吾牙門旗二十人黃麾後第一部一百五十人

第二部一百二十人及叉五十二人行止旗一第七

節扇箠二十五人金輅九十四人大安輦一百八十一

人內尚輦奉御二人殿中少監二人奉職官二人竝公服

令史四人書令史四人七人烏介幘緋四襖素衫銀褐抹帶大口袴皂靴一人長脚幘

頭紫羅公服掌輦四人武牟黃繡寶相花衫人員十二

角帶皂靴銀褐抹帶大口袴昇士一百五十人服同御

指揮使一人執銀骨朶卓帽紅錦團襖銅束帶內馬三十三人持鈹隊三十九人後部鼓吹一百六十八

黃麾後第三至第五部皆一百二十人後步甲隊第一

至第二隊皆四十二人及叉仗五十六人行止旗一

第八節後部鼓吹第二一百四十人象輅革車木輅皆

五十人進賢車二十六人豹尾車一十八人屬車八十

人玄武隊六十一人後步甲隊第三至第五隊皆四十

二人金吾牙門旗二十人後部馬隊第一隊七十六人

第二隊六十四人第三隊六十人及叉仗六十人行止

旗後分行旗止以上各數與黃麾同者不重述

章宗明昌五年六月尚書省奏大定六年世宗自西京

還都採宋省方還京之儀用黃麾仗二千人及金玉輅

考棖隊甲騎五百人導駕官四十二員自後遂不復用
今車駕幸景明宮還都之日宜依用之制可承安元年
省臣奏南郊大禮大駕鹵簿當用人二萬一千二百一
十八馬八千一百九十八世宗親行郊祀仗用七千人
今擬大定制外量添甲卒三百考棖隊執搗人二百四
十八通七千五百四十八人仍分八節從之泰和六年
上欲親行祫享命有司計其役費尚書省奏當用仗三
千五百人錢一萬餘貫馬八百六十五匹舊例馬皆借
取於民親軍班祇皆自備從事今軍旅方興官馬以備
緩急不可借用民亦不可重擾宜令有司攝事上詔再

議之八年四月禘于太廟依元年例用黃麾仗三千人
屯門仗五百人

皇太后皇后鹵簿用唐宋制共二千八百四十人清游
隊三十人清游旗一執一人引二人夾二人

次金吾衛折衝都尉一人
次虞候伏飛
次內僕令

二十八人
次內僕令

黃麾二執一人夾二人
次左右廂黃麾仗

廂各三行行百人從內第一行短戟五色斨執者並黃地白花綦

襖帽行次外第二行戈五色斨執人並赤地黃花綦次外

第三行儀鎧五色幡並青地赤花綦次左右領軍衛左

右威衛左右武衛左右驍衛左右衛等衛各三行行二

十人分前後衛各主帥六人唯左右領軍衛各三人並平

緋補褶大口袴領軍衛前後獅子文袍帽餘每衛各果

衛豹文袍帽各執鎗石裝長刀騎領分前後

毅都尉一人檢校被繡袍以上左右領軍衛有絳引幡

引前掩後各三執者六人並平中次內謁者監四人給

事二人內常侍二人內侍少監二人並騎分左右以上

步次內給使百二十人皆宮人並平中次偏扇

團扇方扇各二十四分左右以宮人執之皆服間次香

燈一執擎內給使四人平中次重翟車馬

四駕士二十四人平中次行障二坐障二分左右

車宮人執之次內寺伯二人領寺人六分左右平中

服同執扇次腰輿一舉士八人團雉扇二夾次大傘

執御刀並騎次腰輿一舉士八人團雉扇二與次小雉

四次大雉扇八分左右橫次錦華蓋二單行次小雉

扇朱團扇各十二並橫行次錦曲蓋二十四橫行次

錦六柱八扇分左右自腰輿以下次宮人車次絳麾

二分左右執各一人武次後黃麾一執一人夾一人並

乾隆四年校刊

金史卷四十二

志

九

四人次翟車安車皆四馬駕士各二十四人次四望車

金根車皆駕牛三駕士各十二人服同前次左右相牙門

各二每門執二人夾四人並赤綦襖黃袍帽第一門在前黃麾前第二門在後黃麾

後次左右領軍衛每廂各一百五十人執並赤地黃花綦襖帽

行膝鞋靴前與黃平巾幘緋衫大廂各主帥四人檢校口袴被黃袍帽

麾仗齊後盡鹵簿口袴被黃袍帽執鎗石長刀騎其服豹文者二在次左右領軍衛折衝

內服獅文者二一引前一護後都尉各一人檢校及仗以上各一次後及仗內正道置

牙門一每門監門校尉二人皆平巾幘緋襖大每廂

各巡檢校尉一人往來檢校服仗同前前後部鼓吹金鈺擗

鼓大鼓長鳴中鳴鏡吹羽葆鼓吹橫吹節鼓御馬並減

大駕之半是歲重翟等六車改用圓方輅輦及行障坐

障錦六柱宮人等車其制度人數並見輿服志天德二

年海陵立后皇后乘龍飾肩輿有司設二步障於殿之

西階設扇左右各十繖一此蓋殿庭導引之儀也又設

皇太后導從六十人傘子不在數內並服簇四盤鵬團

花紅錦襖金花幘頭塗金銀束帶永壽永寧宮導駕各

三十人傘子各二人此亦常行之儀也

皇太子鹵簿受冊寶謝廟凡大禮大朝會則用之有司

奏當用唐宋儀禮詔止用千人中道清游隊二十四人

折衝都尉一人白澤旗一五人弩四弓六稍八並清道

直盪隊一十八人折衝都尉二人稍四弓矢十二竝誕
馬四八人正直旗隊三十三人果毅都尉一人重輪旗
一馴犀旗二野馬旗一馴象旗二旗各五人竝細引隊
一十四人果毅都尉二人弓矢六稍六稍與弓矢相間竝騎前部
鼓吹九十八人竝府史二人金鈺擗鼓各二大鼓十二
長鳴八鏡鼓二簫六箛六帥兵官二節鼓二小鼓十二
中鳴八桃皮篳篥四歌四拱辰管六篳篥六大橫吹十
二羽葆鼓二帥兵官二繖扇八梅紅傘二大雉扇四中
雉扇二小輿一十八人導引官一十二人中允二人論
德二人庶子二人詹事二人太師一人太傅一人太保

一人少師一人在金輅後竝親勲翊衛圍子隊七十四
人郎將二人儀刀七十二竝金輅七十人三衛隊一十
八人執儀刀厭角隊六十二人郎將一人祥雲旗一五人
弩三弓矢七稍十五竝又郎將一人祥雲旗一五人弩
三弓矢七稍十五竝朱團扇一十六人司禦率府校尉
四人騎朱團扇三紫曲蓋三大角一十八後部鼓吹五
十四人竝管轄指揮一人金鈺擗鼓各一鏡鼓二簫六
歌六篳篥六節鼓一主帥二人笛六箛四拱辰管六小
橫吹十主帥二人後拒隊四十六人果毅都尉一人騎
三角獸旗一五人弩四弓矢十六稍二十外仗左行二

百四人牙門十六人並牙門旗一三人監門校尉三人
 郎將一人班劍九前第一隊二十七人司禦率府一人
 果毅都尉一人折衝都尉一人主帥一人並絳引幡三
 首九人麟頭竿二儀鎧斧二弓矢二麟頭竿二儀鎧斧
 四朱刀盾二小戟二第二第三第四第五隊各一十四
 人與第一部麟頭竿已下同後第一隊四十七人牙門旗一三人監
 門校尉三人果毅都尉一人主帥一人絳引幡三九人
 鶡鷄旗一五人稍四弩三稍四弓矢三稍四弓矢三朱
 刀盾二小戟二並後第二隊二十九人果毅都尉一人
 綱子旗一五人稍五弩三稍五弓矢三稍三弓矢四並

後第三隊二十九人果毅都尉一人黃鹿旗一五人稍
 五弩三稍五弓矢三稍三弓矢四並右行二百四人排
 列同 太子常行儀衛導從六十二人傘子二人庭服
 梅紅繡羅雙盤鳳襖金花幘頭塗金銀束帶凡從盤鏹
 鑼唾盂水罐等事並用銀金飾傘用梅紅羅坐麒麟金
 浮圖椅用金鍍銀圈雙戲麒麟椅背紅絨繚結殿庭與
 宴徽用繡羅間金盤鳳卓衣則用繡羅獨角間金盤獸
 東宮視事朱髹飾椅塗金銀獸銜紅絨繚結明金團花
 椅背案衣則用素羅色皆梅紅蒙帕踏脚同
 親王謙從引接十人阜衫盤裹束帶乘馬擗攏官五十

人首領紫羅襖素幘頭執銀裹牙杖傘子紫羅團荅繡芙蓉襖間金花交脚幘頭餘人紫羅四袂繡芙蓉襖兩邊黃絹義欄竝用金鍍銀束帶幘頭同邀喝四人傘用青表紫裏金鍍銀浮圖椅用銀裹圈背水罐鋤羅唾盂竝用銀郡王捧攏官三十人未出宮者二十人國公捧攏官二十人未出宮者十四人郡王引接六人國公四人未出宮者各減半人從儀物竝依一品職事官制諸妃嬪導從四十人幘頭繡盤蕉紫衫塗金束帶妃用偏扇方扇團扇各十六諸嬪各十四皆宮人執服雲腳紗帽紫四袂衫束帶綠鞞大傘各一傘子二人就用本

服錦襖幘帶大長公主導從一十二人皇妹皇女一十人竝服紫羅繡胸背葵花夾襖盤裹幘頭大佩銀腰帶牙杖各二其諸宗室女各以親疎差降之傘制皇太子三位妃皆青羅表紫裏金浮圖親王公主王妃金鍍銀浮圖郡主縣主夫人銀浮圖皆青表紫裏諸臣下母妻各從其夫子勲封品級用傘

百官儀從正一品三師三公尚書令朱衣直省各十人

三公稱直府

捧攏官各六十人竝服紫衫帽銀偏帶內執藤

棒三對骨朶三對牙杖三對簇馬六人傘子二人交椅水罐鋤羅孟子唾盃等事以次執之服阜衫帽塗金銅

束帶

後凡執色人並同

邀喝四人傘用青羅紫裏銀浮圖從一

品尚書左右丞相平章政事都元帥樞密使直省同

樞密

稱直院以班祇人充

捧攏官五十人邀喝四人判太宗正引接十

人捧攏官四十大興尹面前兩對餘並同以上交椅

並用銀裹圈背紫絲條結 正二品東宮三師左右副

元帥尚書左右丞直省八人捧攏官四十人邀喝二人

傘用朱浮圖從二品叅知政事樞密副使御史大夫直

省同

御史臺稱通引以倮使班祇人充

捧攏官三十六人邀喝數同

正三品東宮三少元帥左右監軍殿前都點檢六部尚

書諸京留守宣徽勸農使翰林學士承旨等官凡同品

者各引接六人捧攏官二十人以上交椅並用直背銀

間粧青絲條結諸京都轉運使招討使諸路提刑使諸

府尹兼本路兵馬都總管及留守捧攏官五十人外任

統軍使都運招討使副使諸府尹兼總管捧攏官四十

五人公使七十人從三品元帥左右都監勸農副使殿

前副都點檢及御史中丞等官凡同品者各引接六人

捧攏官一十八人內中丞引從則給緋衫外任運使節

度使捧攏官四十人諸節鎮諸部族節度同公使上鎮

七十人中鎮六十五人下鎮六十八以上外任官人從

服色除諸招討總管部族節度郡牧使自來無射糧軍

人力者竝仍舊外留守統軍總管都運招討府尹轉運節度使人力亦仍舊其數雖多俱不得過四十人竝服紫衫銀帶銀褱圈背交椅銀水罐鋸鑼盃盃牙杖內銀褱骨朶大劔各兩對及邀喝唯運使無骨朶大劔正四品左右諫議大夫國子祭酒六部侍郎等官凡同品者各引接八人本破十二人外任留守同統軍都監提刑副使各捧攏官三十人從四品殿前左右衛將軍諸猛安千戶親王府尉諸京同知轉運等官凡同品者各引接四人本破十二人外任捧攏官三十五人公使上防禦六十人中防禦五十五人下防禦五十人正五

品尚書左右司郎中翰林待制太常少卿等官凡同品者各本破八人外任捧攏官三十人公使上州五十人中州四十五人下州四十人凡防禦刺史知軍并京府統軍司節鎮佐貳官人從竝服紫衫角束帶直背銀交椅鋸鑼盃盃牙杖傘用青表碧裏青浮圖防禦刺史知軍仍用銀褱骨朶大劔一對邀喝唯隨路副統軍則不邀喝從五品六部郎中侍御史大理少府等官凡同品者本破七人侍御引從則給緋衫外任本破十人以上職事官竝許張蓋正六品尚書左右司員外等官凡同品者本破六人外任本破九人從六品尚書六

部員外等官凡同品者本破五人外任本破九人書正
七品殿中侍御史等官凡同品者本破四人外任本破
七人縣令公使十人都軍公使六人從七品應奉翰林
文字等官凡同品者本破四人外任本破六人縣令公
使十人正八品大理評事等官凡同品者本破二人
外任本破六人從八品太常太祝等官凡同品者本破
二人外任本破五人正九品御藥都監等官凡同品
者本破一人外任本破三人從九品隨殿位承應同監
等官凡同品者本破一人外任本破一人尚書省樞
密院令譯史通事六部御史臺及統軍司通事誥院令

史國史院書寫等職各設本破一人以上職官人力從
物不得僭越其外任官人從服執以本處公用或贓罰
錢置

凡內外官自親王以下廉從各有名數差等而朱衣直
省不與其賤者一曰引接亦曰引從內官從四品以上設之
二曰捧攏官內外正五品以上設之三曰本破內外正
四品以下設之四曰公使外官正三品以下設之五曰
從己人力外官正三品京都留守大興府尹以下等官
設之本破如捧攏之職公使從公家之事從己執私家
之役者也五等皆以射糧軍充其軍非驗物力以事攻

討特招募民年十七以上三十以下魁偉壯健者收刺以資糧給之故曰射糧其首領則有將節承局什將等名而皆統於隨路都兵馬總管府焉金之所以禮臣下足任使者其亦先代之遺法歟 外任官從已人力諸京留守大興府尹五十人統軍都轉運招討按察使諸路兵馬都總管四十五人轉運節度使四十人提控諸羣牧防禦使三十五人外任親王傅同知留守副統軍按察副使諸州刺史知軍事三十人同知都轉運使事副招討副留守同知府尹兼總管提舉漕運司諸五品鹽使二十五人都轉運副使按察司簽事少尹副總管

同知轉運節度使事二十人京都兵馬都指揮使一十八人轉運節度副使十七人兵馬都鈐轄十五人親王府尉諸京留守總判官同知防禦使事十三人警巡使兵馬副都指揮同提舉漕運司正六品鹽副使從六品酒麴鹽稅使同知州軍事一十人統軍都轉運司京府總管散府等判官京推官九人親王府司馬招討判官赤劇縣令提舉上京皇城兵馬鈐轄正七品酒麴鹽稅副使都轉運判官府推官節度觀察判官八人京縣次劇縣令都巡檢使正將府軍都指揮使七人司屬令親王府文字招討司勘事官諸縣令警巡副使知城堡寨

鎮從七品鹽判同提舉上京皇城節鎮軍都指揮使都
巡河同七品酒使防禦判官六人市令錄事赤劇縣丞
副都巡檢使副將都巡檢州軍判官五人統軍司知事
親王府記室叅軍同屬丞正八品酒使副京縣次劇縣
丞諸司使四人大興府招討按察司知事京府運司節
鎮司獄管勾河橋關度譏察官從八品鹽判官漕運司
勾當官警巡判官諸縣丞市丞司候主簿錄事司判官
縣尉副都巡檢諸巡檢巡河官正九品酒使諸司副使
三人鹽場管勾防刺以下司獄部隊將同管勾河橋副
譏察司候判官教授統軍按察司知法軍轄諸司都監

節鎮以上知法二人鹽場同管勾防刺以下知法諸司
同監統軍按察司書史統軍司譯書通事一人 婆速

公使從已人力於附近東京澄州招募漢人百姓投充

謂非猛安謀克所管者

合懶恤品胡里改蒲與路竝於各管猛安

謀克所管上中戶內輪差驅丁依射糧軍例支給錢糧

周年一易部羅火土魯渾扎石合亦同其諸糺及羣牧

官員若猛安謀克應差本管戶民充人力者竝上中戶

輪當 諸內外官有兼職各應得人從者從多給餘各

驗品類差 諸親王引接引從在都兵馬司差公王隨

朝者從守部本破內差外路者并所在州府就差 諸

王府引從相府捧攏官引接周年替代自餘十月滿代
竝以射糧軍充 諸隨朝六品以下職官并諸局承應
者願令從已輸庸者聽仍具姓名申部本處官司周年
內不得占使 諸職官之任以理去官者接送人力於
從己人內給半取接者皆於所在官司出給印券差取
送還者須到本所給券發還如無驗者權閣支請候會
問別無逃亡將帶然後放支 諸致仕官職俱至三品
者從己人力於願往處給半不得輸庸身故應送還者
又減半給之若年未六十而致仕及罷去者則不給

